


迦陵集





迦陵集序

蓋香初墜增脩先  
從喜悅

大雲遍潤亦藉音聲故知

讚歎詞頌以言皆接引升

登亡事伏讀灑華化城喻



品示聖主天中王迦陵頻  
伽贅剽夫建大法幢鳴大  
灋鼓臥流通鹵堽之精微  
振蒼震旦之驚曠杳非藥  
高順層已寄而誰寄我壘

尊囑付護持天屬國王大  
臣益臥也現間屈士宿命  
尋香藥權梵衛馬鳴穉羅  
亡技帝釋法臬之司文事  
兼心詞詠斯暢蓋嘗追心



樹背已佐天畸窮足迷陽  
癸遭王難玉堂未穩忽尋  
膏藹于荒郊錦里暫寧仍  
返驚竄于齋席披戶琳瑯  
盜室望門樞李成陰可謂

極天下之盛美夾歷人壘  
亡艱辛吝矣于是潛神內  
典六志大察現宰官而猶  
存爲現真聲賚而令一切  
閭凡號鳳悲木之餘以至



視艸移磧亡  
吸輜車蒞止  
彩鷁游行耳  
涉目經專爲  
讚咏灑累善  
知識五十三  
衆密部陀羅  
尼一十八臂  
金碧由旬巖  
像丹青變現

勝緣以至鹿  
苑名禪雞林  
古德砮頌菩  
贊亦嬰大詳  
莫不從月標  
指因水生瀾  
璇臺寶經皆  
演妙音玉瑄  
金鉦胥徵慧  
業清淨身爲



不壞根廣畝古為不往菴  
矣雖平生皈依覺路原游  
空教兩門降伏魔軍不癡  
折攝二義而當吳伸紐吮  
毫之際轉喉振顛之時但

養喜神嘿迎善氣淵仁乎  
鏘仁乎類扇律仁徵祥匪  
狂操仁見良香仁爰司雷  
署簡付教青岑義定稱迦  
陵名集知此鳥差殼已過



衆籟若吳夏滕除是如來  
撥火灑華名義衣爲乞憐  
剎來問序敬拈斯旨噫噉  
維摩示疾因酬對而抗論  
熾歛迦葉定中香音聲而

掉頭起舞今香火刻意在  
斯乎畜壯斯乎

崇禎甲戌中穰後八日  
泌園叟張壺盥手撰





錫徐樹丕薰沐敬書



Table of contents text, including '迦陵集目次' and '卷之一', written in a light, faded style.

迦陵集目次

卷之一

頌

華嚴經入法界品善知識頌

文殊師利菩薩

勝樂園妙峯山德雲比丘

海門國海雲比丘

楞伽道邊海岸聚落善住比丘



達里鼻茶國自在城中彌伽大士  
住林聚落解脫長者

閻浮提畔摩利伽羅國海幢比丘  
海潮住處普莊嚴園休捨優婆夷

那羅素國毘目瞿沙仙人

伊沙那聚落勝熱婆羅門

師子奮迅城中慈行童女

三眼國善見比丘

名聞國河渚中自在主童子

海住城具足優婆夷

大興城明智居士

師子宮城法寶髻長者

藤根國普門城中普眼長者

多羅幢城無厭足王

妙光城大光王

安住王都不動優婆夷



無量都薩羅城徧行外道

廣大城鬻香優鉢羅華長者

樓閣城婆施羅船師

可樂城無上勝長者

輸那國迦陵迦林城師子頻申比丘尼

險難國寶莊嚴城婆須蜜多女

善度城鞞瑟胝羅居士

目次 畢

迦陵集卷之一

吳郡姚希孟孟長甫著

頌

華嚴經入法界品善知識頌

文殊師利菩薩

爾時文殊師利菩薩漸次南行經歷人

間至福城東住莊嚴幢娑羅林中往昔

諸佛會所止住教化衆生大塔廟處亦



是世尊於往昔時脩菩薩行能捨無量  
難捨之處時福城人聞文殊師利童子  
在娑羅林無量大衆從其城出來詣其  
所時有五百童子所謂善財童子善行  
童子善戒童子善威儀童子善勇猛童  
子善思童子善慧童子善覺童子善眼  
童子善辭童子善光童子如是等五百  
童子來詣文殊師利童子所頂禮其足

右繞三匝退坐一面爾時文殊師利童  
子觀察善財以何因緣而有其名知此  
童子初入胎時於其宅內自然而出七  
寶樓閣其樓閣下有七伏藏於其藏上  
地自開裂生七寶牙所謂金銀琉璃玻  
璃珍珠磔磔碼碯善財童子處胎十月  
然後誕生形體支分端正具足其七大  
藏縱廣高下各滿七肘從地涌出光明



照耀復於宅中自然而有五百寶器種  
種諸物自然盈滿所謂金剛器中盛一  
切香於香器中盛種種衣美玉器中盛  
滿種種上味飲食摩尼器中盛滿種種  
殊異珍寶金器盛銀銀器盛金金銀器  
中盛滿琉璃及摩尼寶玻璃器中盛滿  
碑磔碑磔器中盛滿玻璃碼碯器中盛  
滿珍珠珍珠器中盛滿碼碯火摩尼器

中盛滿水摩尼水摩尼器中盛滿火摩  
尼如是等五百寶器自然出現又雨衆  
寶及諸財物一切庫藏悉令充滿以此  
事故父母親屬及善相師共呼此兒名  
曰善財又知此童子已曾供養過去諸  
佛深種善根信解廣大常樂親近諸善  
知識身語意業皆無過失淨菩薩道求  
一切智成佛法器其心清淨猶如虛空



廻向菩提無所障礙爾時文殊師利菩  
薩如象王廻觀善財童子作如是言善  
哉善哉善男子汝已發阿耨多羅三藐  
三菩提心復欲親近諸善知識問菩薩  
行脩菩薩道善男子親近供養諸善知  
識是具一切智最初因緣是故於此勿  
生疲厭善財白言唯願聖者廣爲我說  
菩薩應云何學菩薩行應云何修菩薩

行應云何趣菩薩行應云何行菩薩行  
應云何淨菩薩行應云何入菩薩行應  
云何成就菩薩行應云何隨順菩薩行  
應云何憶念菩薩行應云何增廣菩薩  
行應云何令普賢行速得圓滿爾時文  
殊師利菩薩告善財童子言善哉善哉  
善男子汝已發阿耨多羅三藐三菩提  
心是事爲難能發心已求菩薩行倍更



爲難善男子若欲成就一切智智應決定求真善知識見善知識勿生厭足於善知識所有教誨皆應隨順於善知識善巧方便勿見過失頌曰

福城童子獲大因緣般舟未杭智炬已然願同香象鼻端撩天所以迴觀慇懃示路樵子知碁漁郎問渡直待普賢舒手交付

勝樂國妙峰山德雲比丘

善財禮辭文殊登妙峯山於其山上東西南北四維上下求覓德雲經於七日見彼比丘在別山上徐步經行見已頂禮德雲比丘告善財言我得自在決定解力信眼清淨智光照耀普觀境界離一切障善巧觀察徃詣十方一切國土恭敬供養一切諸佛常念一切諸佛如來總持一切諸佛正法常見一切十方



諸佛乃至見不可說不可說佛刹微塵  
數佛頌曰

妙峯山頭德雲儼然徑繞雲移一交臂間迺於  
他山瞻之在前我隱爾耶道烏乎遠見以執囿  
執亡見顯萬壑千峯請君着眼

海門國海雲比丘

海雲比丘告善財言我住此海門國十  
有二年常以大海爲其境界思惟大海

廣大無量甚深難測漸次深廣無量衆  
寶奇妙莊嚴積無量水水色不同不可  
思議無量衆生之所住處容受種種大  
身衆生能受大雲所雨之雨思惟大海  
無增無減世間頗有廣博無量甚深殊  
特過此海否作是念時有大蓮華忽然  
出現百萬天神恭敬頂禮百萬摩尼寶  
莊嚴無盡有一如來結跏趺坐卽伸右



手而摩我頂爲我演說普眼法門開示  
一切如來境界顯發一切菩薩諸行闡  
明一切諸佛妙法我於彼佛千二百歲  
受持如是普眼法門若有衆生來至我  
所我悉爲其開示解釋稱揚讚歎咸令  
愛樂趣入安住頌曰

頽臨大海作正思惟是生死流是功德池誰令  
衆生汨斯沒斯有佛趺坐凌波而出識瀾漩清

情濤漾碧百千摩尼普眼識得

楞伽道邊海岸聚落善住比丘

善財至海岸聚落求覓善住見此比丘  
於虛空中來往經行無數諸天恭敬圍  
繞善財見已心生歡喜求問佛法比丘  
告言我已成就菩薩無礙解脫門隨順  
思惟修習觀察卽時獲得智慧光明各  
究竟無礙知一切衆生心行衆生歿生



邊陲集  
衆生宿命衆生未來劫事現在世事衆  
生語言音聲種種差別決一切衆生有  
所疑問知一切衆生諸根隨一切衆生  
應受化時悉能往赴知一切刹那羅婆  
牟呼栗多日夜時分三世海流轉次第  
以其身徧徃十方一切佛刹皆無障礙  
何以故得無住無作神通力故故於虛  
空中或行或住或坐或臥或隱或顯或

現一身或現多身穿度牆壁猶如虛空  
於虛空中結跏趺坐徃來自在猶如飛  
鳥入地如水履水如地徧身出燄如大  
火聚或時震動一切大地或時以手摩  
觸日月或現其身高至梵宮或現種種  
雲彌覆十方或一念中過佛刹微塵數  
世界於彼世尊前聽聞說法以一切身  
雲而爲供養一切衆生若見我形皆決



定得阿耨多羅三藐三菩提頌曰

凡諸礙者以心礙心微細末那結爲層城云何  
神通變沒昇騰繡嶺春雲畫欄秋水是無礙門  
卽事卽理翻空涌出嘖申師子

達里鼻茶國自在城中彌伽大士

善財至自在城求覓彌伽乃見其人於  
市肆中坐於說法師子之座十千人衆  
所共圍繞說輪字莊嚴法門爾時彌伽

告善財言汝已發阿耨多羅三藐三菩  
提心耶善財言唯彌伽遽卽下師子座  
五體投地散金銀花無價寶珠及以上  
妙碎末旃檀無量種衣以覆其上復散  
種種香華以爲供養從其面門出種種  
光普照三千大千世界諸龍神等乃至  
梵王悉皆來至彌伽之所彌伽大士卽  
以方便爲分別解釋輪字品莊嚴法門



遊隱集  
於是還升本座告善財言我已獲得妙  
音陀羅尼能分別知三千大千世界中  
諸天諸龍夜叉乾闥婆阿修羅迦樓羅  
緊那羅摩睺羅伽人與非人及諸梵天  
所有語言乃至不可說不可說世界悉  
亦如是頌曰

童子發心長者作禮得根本智差別易爾爲求  
差別南詢不已一字法門一含一切然而江海

其鹹互異同異同伽陀章句

住林聚落解脫長者

善財辭彌伽漸次遊行十有二年至住  
林城周徧推求得見解脫長者時長者  
入菩薩三昧門名普攝一切佛刹無邊  
旋陀羅尼入此三昧已得清淨身於其  
身中顯現十方各十佛刹微塵數佛及  
佛國土衆會道場種種光明諸莊嚴事



其中諸佛現種種神力或處兜率宮而  
作佛事或歿兜率宮而作佛事或有住  
胎或復誕生或處宮中或復出家或詣  
道場或破魔軍或諸天龍恭敬圍繞或  
諸世主勸請說法或轉法輪或般涅槃  
或分舍利或起塔廟彼諸如來所有言  
說善財童子悉能聽受爾時長者告善  
財言我入出此解脫門時卽見十方佛

刹微塵數如來彼諸如來不來至此我  
不往彼知一切佛及與我心悉皆如夢  
如影如水如幻如響我如是知如是憶  
念所見諸佛皆由自心是故應以善法  
扶助自心應以法水潤澤自心應於境  
界淨治自心應以精進堅固自心應以  
忍辱坦蕩自心應以智證潔白自心應  
以智慧明利自心應以佛自在開發自



心應以佛平等廣大自心應以佛十力  
照察自心頌曰

佛及我心皆如夢幻云何見佛從心所辦真贗  
如環依真覓贗夢中境界業力攝持我依佛力  
恍惚見之覺在夢中夢乃覺時

閻浮提畔摩利伽羅國海幢比丘

善財至摩利聚落求覓海幢比丘乃見  
其在經行地側結跏趺坐入于三昧離

出入息無別思覺身安不動從其足下  
出無數百千億長者居士婆羅門從其  
兩膝出無數刹帝利婆羅門從其腰間  
出等衆生數無量仙人從其兩脇出不  
思議龍不思議龍女示現不思議諸龍  
神變從胸前卍字中出無數阿修羅王  
從其背上出無數聲聞獨覺從其兩肩  
出無數夜叉羅刹王從其腹出無數緊



那羅王又出無數乾闥婆王從其面門  
出無數轉輪聖王從其兩目出無數日  
輪從其眉間白毫相中出無數帝釋從  
其額上出無數梵天從其頭上出無量  
諸菩薩衆從其頂上出無數如來身又  
於其身一切毛孔一一皆出阿僧祇佛  
刹微塵數光明網一一網充滿十方一  
切法界善財童子淚生渴仰住立思惟

乃至六月復經六日海幢比丘從三昧  
出爲善財言善男子我以修習般若波  
羅蜜故得此普莊嚴清淨三昧頌曰  
聖凡諸衆從身中現其未現時攝歸一念青山  
儼然白雲互換問我身中爲有爲無寂卽禪天  
戰卽修羅遊戲當場悲啼笑歌

海潮住處普莊嚴園休捨優婆夷

普莊嚴園衆寶垣墻於中具有百萬殿



堂一萬浴池八功德水香如梅檀鳧雁  
孔雀俱枳羅鳥遊戲其中寶多羅樹周  
帀行列覆以寶網垂諸金鈴微風徐搖  
恒出美音施大寶帳建立無數摩尼寶  
幢百萬天子欣樂瞻仰頭面作禮百萬  
綵女於虛空中投身而下百萬菩薩恭  
敬親近時休捨優婆夷坐真金座戴海  
藏真珠網冠掛出過諸天真金寶釧垂

紺青髮大摩尼網莊嚴其首師子口摩  
尼寶以爲耳璫如意摩尼寶王以爲瓔  
珞一切寶網垂覆其身百千億那由他  
衆生曲躬恭敬善財頂禮繞無數帀休  
捨告言我此大衆有八萬四千億那由  
他皆在此園與我同行悉於阿耨多羅  
三藐三菩提得不退轉我憶過去於然  
燈佛所修行梵行如是次第第三十六恒



邊陲集  
河沙佛所皆悉承事恭敬供養以百萬  
阿僧祇方便行故發菩提心嚴淨一切  
世界盡我願乃盡拔一切衆生煩惱習  
氣盡我願乃滿頌曰  
普莊嚴園宛極樂國妙麗天人衆寶嚴飾現婦  
女身化度萬億女本假名不殊大雄心量圍圍  
偈仄自封皓月當天與赫曦同  
那羅素國毘目瞿沙仙人

轉山示善財至那羅素國見彼仙人在栴檀樹  
下敷草而坐領徒一萬或著鹿皮或著  
山人持樹皮或復編草以爲衣服髻環垂鬋前  
後圍繞時毘目仙人卽申右手摩善財  
頂執善財手卽時善財自見其身住十  
方十佛刹微塵數世界中到諸佛所見  
彼佛刹相好莊嚴亦聞彼佛隨諸衆生  
心之所樂而演說法亦見彼佛隨衆生



心所現色相大光明網清淨圓滿又見  
自身於諸佛所經一日夜或七日夜半  
月一月一年十年乃至不可說佛刹微  
塵數刹時彼仙人放善財手善財卽自  
見身還在本處頌曰  
仙人執手佛刹無邊迨其釋手故吾宛然昇霄  
墜困皆反掌間邯鄲道中一枕夢幻壺中有天  
神仙示現美精魂耶請君叅看

伊沙那聚落勝熱婆羅門

善財至伊沙那聚落見彼勝熱修諸苦  
行求一切智四面火聚猶如大山中有  
刀山高峻無極登彼山上投身入火爲  
善財言善男子汝今若能上此刀山投  
身火聚諸菩薩行悉得清淨時善財童  
子作如是念得人身難得正命難此將  
非魔魔所使耶將非是魔險惡徒黨詐



現菩薩善知識相而欲爲我作善根難  
作壽命難牽我令入諸惡道中作是念  
時十千梵天在虛空中作如是言善男  
子莫作是念今此聖者得金剛燄三昧  
光明度諸衆生心無退轉欲竭一切貪  
愛海欲截一切邪見網欲燒一切煩惱  
薪欲照一切惑稠林欲斷一切老死怖  
欲壞一切三世障欲放一切法光明復

有十千諸魔復有十千自在天王在虛  
空言此婆羅門五熱炙時其火光明駭  
奪於我所有宮殿皆如聚墨令我於中  
不生樂着復有十千化樂天王兜率天  
王三十三天并其眷屬復有十千龍王  
夜叉王乾闥婆王阿修羅王迦樓羅王  
緊那羅王復有無限欲界諸天以妙供  
具恭敬供養言我等見此火光明故心



生淨信令無量衆生發菩提心善財童  
子心大歡喜唱如是言唯願聖者容我  
悔過卽登刀山自投火聚未至中間卽  
得菩薩善住三昧纔觸火燄又得菩薩  
寂靜樂神通三昧頌曰  
火聚智聚刀山慧山捨身證身斬關奪關宜怖  
不怖似難非難吹光何光割水無水言生誰生  
言死誰死從空求空可許不許

師子奮迅城中慈行童女

此童女是師子幢王女五百童女以爲  
侍從住毘盧遮那藏殿於龍勝梅檀足  
金線網天衣座上而說妙法善財詣王  
宮門見無量衆來入宮中咸言我等欲  
詣慈行童女聽受妙法善財卽作是念  
此王宮門旣無限礙我亦應入善財入  
已見其童女皮膚金色眼紺紫色髮紺



青色以梵音聲而演說法告善財言汝  
應觀我宮殿莊嚴善財周徧觀察見一  
一壁中柱中鏡中相中形中摩尼寶中  
莊嚴具中金鈴中寶樹中寶形像中寶  
纓珞中悉見法界一切如來從初發心  
修菩薩行成正等覺轉妙法輪乃至示  
現入於涅槃如是影像靡不皆現如淨  
水中普見虛空日月星宿所有衆像如

是皆是慈行童女過去世中善根之力  
爾時童女告善財言此是般若波羅蜜  
普莊嚴門我於三十六恒河沙佛所求  
得此法頌曰

寶樹寶網常流法音聲於希聲形於無形故墻  
壁中百千世尊日暎金支月騰銀漢澄霽雲  
或見不見淨摩尼珠佛光照面

三眼國善見比丘



三善見比丘見在林中經行往返壯年美  
顏具不貌端正可喜其髮紺青右旋不亂頂有  
髮中百肉髻皮膚金色頸文三道額廣平正眼  
質懽實目修廣如青蓮華唇口丹潔如頻婆果  
胸標卍字七處平滿其臂纖長其指網  
縵手足掌中有金剛輪其身殊妙如淨  
居天上下端正如尼拘陀樹諸相隨好  
悉皆圓滿如雪山王種種嚴節目視不

瞬圓光一尋智慧廣博猶如大海若沉  
若舉若智非智動轉戲論一切皆息釋  
梵護世人與非人前後圍繞爲善財言  
於此生中於三十八恒河沙佛所淨修  
梵行聽聞妙法受行其教我經行時一  
切十方世界皆悉現前不可說佛刹皆  
悉嚴淨一念中供養佛刹微塵數如來  
領受如來法一念中菩薩行海諸三昧



海諸根海皆悉現前我惟知此菩薩隨  
順燈解脫門頌曰

梵行精修視厥報身相好端嚴如日月輪法門  
解脫得隨順燈燈從何來心光照了一分千炬  
千成一燎明星爛兮東方報曉

名聞國河渚中自在主童子

善財受善見比丘教於彼法門而得悟  
入天龍夜叉乾闥婆衆前後圍繞向名

聞國求覓自在主童子見此童子十千  
童子所共圍繞聚沙爲戲爲善財言我  
昔曾於文殊師利童子所修學書數算  
印等法卽得悟入一切工巧神通智法  
門得知世間書數算印界處等法亦能  
療治風癩消瘦鬼魅所着一切諸病亦  
能造立城邑聚落園林臺觀宮殿屋宅  
亦善調鍊種種仙藥亦善管理田農商



估一切諸業又善別知衆生身相作善  
作惡當生善趣當生惡趣應得聲聞緣  
覺乘道應入一切智地皆悉能知亦令  
衆生學習此法增長決定究竟清淨我  
亦能知菩薩算法算無量由旬廣大沙  
聚悉知其內顆粒多寡亦能算知一切  
世界種種差別次第安住廣狹大小及  
以名字一切劫名佛名法名衆生名業

名菩薩名諦名皆悉了知頌曰

難勝地中靡不該習阿僧祇品如來所識彼聚  
沙見得大智力藝成而精冥合大道法法雖塵  
玄玄衆妙隨處拈來迦葉欲笑

海住城具足優婆夷

此優婆夷其宅廣博衆寶垣墻四面皆  
有寶莊嚴門見優婆夷處於寶座盛年  
好色端正可喜素服垂髮身無瓔珞其



身色相威德光明除佛菩薩餘無能及  
宅中無有衣服飲食及餘一切資生之  
物但於其前置一小器復有一萬童女  
圍繞如天綵女言音美妙聞者喜悅常  
在左右曲躬低首應其教命身出妙香  
普熏一切彼優婆夷告善財言我得菩  
薩無盡福德藏解脫門能於如是一小  
器中出生種種美味飲食悉令充滿假

使十方世界一切衆生隨其欲樂而其  
飲食無有窮盡亦不減少如是種種牀  
座衣服臥具車乘華鬘種種香種種瓊  
寶瓔珞幢幡種種上妙資生之具悉令  
充足聲聞獨覺食我食已皆證聲聞辟  
支佛果住最後身所有一生所繫菩薩  
食我食已皆菩提樹下坐於道場降伏  
魔軍成阿耨多羅三藐三菩提此十千



童女皆悉與我同行同願能於此器取  
上飲食一刹那頃徧至十方供養一切  
後身菩薩聲聞獨覺乃至徧及諸餓鬼  
趣以我此器能於天中克足天食乃至  
人中克足人食說是語時見無量衆生  
從四門入皆優婆夷本願所請旣來集  
已敷座令坐隨其所須給施克足頌曰  
供養人天一器有餘在術疑幻在理曰如不見

芥子包裹須彌良哉具足萬法爲侶卽侶強名  
十千侍女定慧飄香總是戒體

### 大興城明智居士

居士在其城內市四衢道七寶臺上處  
無數寶莊嚴之座敷天寶衣建天幢幡  
張大寶網施大寶帳鷲王羽翮清淨嚴  
潔以爲其扇熏衆妙香雨衆天華左右  
常奏五百樂音其音美妙過於天樂十



千眷屬前後圍繞於天人中最勝無比  
悉已成就菩薩志欲皆與居士同昔善  
根侍立瞻對居士告善財言汝見我此  
衆會人否我已令其發阿耨多羅三藐  
三菩提心如諸菩薩悉能救護一切衆  
大生善男子我得隨意出生福德藏解脫  
十千劫門一切資生之物諸有所須悉令克滿  
乃至爲說真實妙法且待須臾汝當自

見說是語時無量衆生從種種國土俱  
來集會各隨所欲而有求請爾時居士  
知衆普集須臾繫念仰視虛空如其所  
須悉從空下如是一切靡不周瞻然後  
悉爲如應說法旣聞法已還歸本處頌  
曰

一切法施先以貲財旣饜足已招之必來不見  
慈母能教嬰孩菩薩神通天輪地涌我何有哉



具法財種雙手托來滿盤齊捧此即法財寶

一世師子宮城法寶髻長者

時長者執善財手作如是言善男子且

觀我家爾時善財見其舍宅清淨光明

真金所成白銀爲牆頗黎爲殿緝瑠璃

寶以爲樓閣碑磔妙寶而作其柱其宅

廣博十層八門見最下層施諸飲食第

二層施諸寶衣第三層布施一切寶莊

嚴具第四層施諸綵女并及一切上妙

珍寶第五層五地菩薩雲集演說諸法

利益世間成就一切陀羅尼門第六層

有諸菩薩皆已成就甚深智慧在不可

說妙莊嚴道場中而共集會分別顯示

般若波羅蜜門第七層有諸菩薩得如

響忍以方便智分別觀察而得出離悉

能聞持諸佛正法第八層無量菩薩共



邊陲集  
集其中能以一音徧十方刹其身普現  
一切道場普於一切佛衆會中而爲上  
首演說於法第九層一生所繫諸菩薩  
衆於中集會第十層一切如來克滿其  
中從初發心修菩薩行超出生死轉正  
法輪調伏衆生善男子我念過去有世  
界名圓滿莊嚴佛號無邊光明法界普  
莊嚴王彼佛入城我奏樂音并燒一丸

香而以供養以此功德迴向三處謂永  
離一切貧窮困苦常見諸佛及善知識  
恒聞正法故獲斯報頌曰

仙音一曲羣哇可瑱妙香一丸百穢普蠲耳根  
既澄鼻端悠然借佛作供供我法身具一念淨  
開衆福門離貧苦報親佛法僧

藤根國普門城中普眼長者

善財見普門城百千聚落維堞崇峻衢



路寬平見彼長者長者告言我知一切  
衆生諸病風黃痰熱鬼魅蠱毒乃至水  
火之所傷害我悉能以方便救療復以  
香湯沐浴其身香華瓔珞名衣上服種  
種莊嚴施諸飲食及以財寶悉令克足  
然後各爲如應說法爲貪欲多者教不  
淨觀瞋恚多者教慈悲觀愚癡多者教  
其分別種種法相等分行者爲其顯示

殊勝法門爲欲令其獲於究竟淨妙之  
身稱揚讚歎永離一切諸不善法我又  
善知和合一切諸香要法所謂無等香  
辛頭波羅香無勝香覺悟香阿盧那跋  
底香堅黑梅檀香烏洛迦梅檀香沉水  
香不動諸根香如是等香悉知調理和  
合之法我持此香以爲供養普見諸佛  
所願皆滿又然此香時一一香中出無



邊陽集  
量香徧至十方一切法界一切諸佛衆  
會道場或爲香宮或爲香殿如是香欄  
檻香垣墻香卻敵香戶牖香重閣香半  
月香蓋香幢香幡香帳香羅網香形像  
香莊嚴具香光明香雲雨處處充滿以  
爲莊嚴頌曰

不有藥王難除病狂不有香雲難豎法幢內護  
身心外立道場兩事雙彰一身互表香鼎藥浮

藥爐香裊是藥是香總一莖草  
多羅幢城無厭足王

善財至多羅幢城問無厭足王所在之  
處諸人答言此王今者在於正殿坐師  
子座宣布法化調御衆生可治者治可  
攝者攝罰其罪惡決其諍訟撫其孤弱  
皆令未斷殺盜邪淫亦令禁止妄言兩  
舌惡口綺語又使遠離貪瞋邪見善財



童子尋卽往詣遙見彼王坐那羅延金  
剛之座如意摩尼以爲寶冠莊嚴其首  
間浮檀金以爲半月莊嚴其額帝青摩  
尼以爲耳璫相對垂下無價摩尼以爲  
瓔珞天妙摩尼以爲印釧以離垢繒而  
繫其頂十千大臣前後圍繞共理王事  
不有餘其前復有十萬猛卒形貌醜惡衣服褊  
褊藥熱香陋執持器仗攘臂瞋目衆生見者無不

恐怖無量衆生犯王教勅或盜他物或  
害他命或侵他妻或生邪見或起瞋恨  
或懷貪嫉作如是等種種惡業身被五  
縛將詣王所隨其所見而治罰之或斷  
手足或截耳鼻或挑其目或斬其首或  
剝其皮或解其體或以湯煮或以火焚  
或驅上高山推令墮落有如是等無量  
楚毒發聲號叫譬如衆合大地獄中善



財見已作如是念我爲利益一切衆生  
求菩薩行修菩薩道今者此王滅諸善  
法作大罪業逼惱衆生乃至斷命曾不  
顧懼未來惡道云何於此而欲求法發  
大悲心救護衆生作是念時空中有天  
而告之言善男子汝當憶念普眼長者  
善知識教善知識者能引導汝至無險  
難安隱之處時阿那羅王

阿那羅此理  
云無厭足

王事已執善財手將入宮中命之同坐  
告言汝應觀我所住宮殿善財如語卽  
便觀察皆以妙寶之所合成七寶爲墻  
百千衆寶以爲樓閣摩尼寶網羅覆其  
上十億侍女端正殊絕凡所施爲無非  
巧妙先起後臥軟意承旨阿那羅王告  
善財言我若實作如是惡業云何而得  
如是果報如是色身如是眷屬如是富



瞻如是自在善男子我得菩薩如幻解  
脫我此國土所有衆生多行殺盜乃至  
邪見我爲調伏彼衆生故化作惡人造  
諸罪業受種種苦令其一切作惡衆生  
見是事已心生惶怖厭離怯弱斷其所  
作一切惡業發阿耨多羅三藐三菩提  
意善男子我身語意未曾惱害於一衆  
生如我心者寧於未來受無間苦終不

發生一念之意與一蚊一蟻而作苦事  
况復人耶人是福田能生一切諸善法  
故頌曰

觀其斷獄霜飛夏寒訴厥苦心灑淚摧肝真大  
慈尊隱實施權噴血如山委骸成雪棘猴木鳶  
鏡花水月借爾無情爲有情說

妙光城大光王

善財入妙光城見此大城七寶所成有



一樓閣名正法藏阿僧祇寶以爲莊嚴  
光明赫奕最勝無比彼大光王常處其  
中結跏趺坐二十八種大人之相八十  
隨好而以嚴身於王座前有金銀琉璃  
摩尼珍珠珊瑚琥珀珂貝璧玉諸珍寶  
聚衣服纓絡及諸飲食種種克滿復見  
無量上妙寶車諸天妓樂天諸妙香病  
緣湯藥資生之具無量乳牛蹄角金色

無量千億端正女人六十四能

未詳靡不

該練世情禮則悉皆善解隨衆生心而  
以給施王告善財我淨修菩薩大慈幢  
行能以正法教化世間若有衆生貧窮  
困乏來至我所而有求索我開庫藏恣  
其所取而語之言莫造諸惡莫害衆生  
莫起諸見莫生執着此妙光城所住衆  
生隨心所欲所見不同若有衆生其心



清淨曾種善根及我昔時修菩薩行曾  
所攝受則見此城衆寶嚴淨餘皆見穢  
善男子一切衆生五濁世時樂作諸惡  
我心哀愍而欲救護入於菩薩大慈爲  
首隨順世間三昧之門時大光王卽入  
此定其城內外六種震動寶地寶牆寶  
堂寶殿臺觀樓閣階砌戶牖咸出妙音  
悉向於王曲躬敬禮鳥獸之屬互相瞻

視咸向王前恭敬禮拜一切山原及諸  
草樹莫不迴轉向王敬禮十千龍王起  
大香雲激電震雷注微細雨十千天王  
於虛空中作衆妓樂無數天女歌咏讚  
嘆諸羅刹夜叉鳩槃荼毘舍闍王皆起  
慈心願行利益不造諸惡恭敬合掌頂

禮於王頌曰

賢父愛子淑慎其身旣與舍箱爾豐爾盈更與



式穀爾敬爾承父何私哉子當念茲若墮爾聲  
并喪而貲徒使嚴君作他人師

安住王都不動優婆夷

善財遊行至安住城推求不動優婆夷  
人告之言不動優婆夷身是童女在其  
家內父母守護與自親屬無量人衆演  
說妙法善財入其宅內見彼堂宇金色  
光明觸身卽得五百三昧門身心柔軟

如七日胎又聞妙香非諸天龍乾闥婆  
等之所能有前詣其所一心觀察見其  
形色端正殊妙一切女人無有能及一  
切衆生無有於此優婆夷所起染着心  
若得暫見所有煩惱悉自消滅時優婆  
夷以菩薩柔軟語悅意語慰諭善財而  
告之言善男子過去世中有劫名離垢  
佛號修臂時有國王名曰電授唯有一



女卽我身是我於夜分廢音樂時父母  
兄弟悉已眠寢五百童女亦皆昏昧我  
於樓上仰觀星宿見彼如來如寶山王  
諸菩薩衆所共圍繞佛身毛孔皆出妙  
香我聞是香身體柔軟心生歡喜便從  
樓下至於地上合十指爪頂禮於佛又  
觀彼佛不見頂相觀身左右莫知邊際  
我於彼佛所求一切智求佛十力求佛

辨才求佛光明求佛色身求佛相好求  
佛衆會求佛國土求佛威儀求佛壽命  
發是心已其心堅固猶如金剛一切煩  
惱及以二乘悉不能壞經閻浮提微塵  
數劫尚不生於念欲之心况行其事我  
從是來常見諸佛菩薩常見真實善知  
識善男子我得菩薩求一切法無厭足  
莊嚴門一切法平等地總持門現不思



議自在神變汝欲見不爾時不動優婆  
夷坐於龍藏師子之座入三昧門微塵  
數世界六種震動一一世界中有百億  
四天下百億如來或住兜率天乃至般  
涅槃放光明網周徧法界轉妙法輪開  
悟羣生頌曰

畫樓千尺朱欄自凭參橫斗轉有佛現身屈伸  
修臂息我苦輪童真入道護身如寶定珠淵暎

悲華砌繞他生此生一了百了

無量都薩羅城徧行外道

都薩羅城東有山名曰善德善財童子  
於中夜時見此山頂草樹巖巘光明照  
耀如日初出生大歡喜便從城出而登  
彼山見此外道於其山上平坦之處徐  
步經行色相圓滿威光照耀告善財言  
善男子我普於世間種種方所形貌行



解歿生諸趣或住諸見或信二乘或復  
信樂大乘之道如是一切諸衆生中我  
以種種方便種種智門而爲利益此都  
薩羅城中若男若女諸人衆中我皆以  
方便示同其形隨其所應而爲說法諸  
衆生等悉不能知我是何人從何而至  
城邑聚落所有人衆住止之處悉亦如  
是而爲利益閻浮提內九十六衆各起  
異見而生執着我悉於其中方便調伏  
令其捨離所有諸見如是十方無量世  
界我悉於中而爲說法頌曰

道無中邊云何成外小知間間分巢列塞用夷  
變夷光天世界夜半旭日集于扶桑喚起羣盲  
東方煌煌何用張燈爾室爾房

廣大城鬻香優鉢羅華長者

長者告善財言善男子我善別知一切



諸香亦知調合一切香法所謂一切香  
一切燒香一切塗香一切末香亦知如  
是一切香王所出之處又善了知天香  
龍香夜叉香乾闥婆阿修羅迦樓羅緊  
那羅摩睺羅伽人非人等所有諸香又  
善別知治諸病香斷諸惡香生歡喜香  
增煩惱香滅煩惱香令於有爲生樂着  
香生厭離香捨諸憍逸香發心念佛香

證解法門香聖所受用香一切菩薩差  
別香一切菩薩地位香如是等香形相  
生起出現成就清淨安隱方便境界威  
德業用及以根本如是一切我皆了達  
善男子人間有香名曰象藏因龍鬪生  
若燒一丸卽起大香雲彌覆王都於七  
日中雨細香雨若着身者身則金色若  
着衣服宮殿樓閣亦皆金色衆生龔者



身心快樂無有諸病離諸憂苦不驚不  
怖不亂不恚慈心相向志意清淨我知  
是已而爲說法令其決定發阿耨多羅  
三藐三菩提心摩羅耶山出栴檀香名  
曰牛頭若以塗身設入火坑火不能燒  
海中有香名無能勝若以塗鼓及諸螺  
貝其聲發時一切敵軍皆自退散阿那  
婆達多池邊出沉水香名蓮華藏其香

一丸如麻子大若以燒之香氣普熏閻  
浮提界衆生聞者離一切罪戒品清淨  
雪山有香名阿盧那麁此香者離諸染  
着我爲說法莫不皆得離垢三昧羅刹  
界中有香名海藏其香但爲轉輪王用  
若燒一丸而以熏之王及四軍皆騰虛  
空善法天中有香名淨莊嚴若燒一丸  
普使諸天心念於佛須夜摩天有香名



淨藏若燒一丸夜摩天衆莫不雲集彼  
天王所而共聽法毘率天中有香名先  
陀婆於一生所繫菩薩座前燒其一丸  
興大香雲徧覆法界普雨一切諸供養  
具供養一切諸佛菩薩善變化天有香  
名曰奪意若燒一丸於七日中普雨一  
切諸莊嚴具善男子我唯知此調和香  
法頌曰

古人有言明德惟馨或喻娉修椒蘭杜蘅以衆  
香種擬萬善門方其氤氳雲合霧走及其飄颺  
捫之何有卽假談空是鬻香叟

### 樓閣城婆施羅船師

船師在城門外海岸上住百千商人及  
餘無量大衆圍繞說大海法方便開示  
佛功德海告善財言我在此城海岸路  
中淨修菩薩大悲幢行我觀閻浮提內



貧窮衆生隨其所願悉令滿足先以世  
物充滿其意復施法財令其歡喜我知  
海中一切寶洲一切寶處一切寶類一  
切寶種我知淨一切寶鑽一切寶出一  
切寶作一切寶我知一切寶器一切寶  
用一切寶境界一切寶光明我知一切  
龍宮處一切夜叉宮處一切部多宮處  
皆善迴避免其諸難亦善別知漩復淺

深波濤遠近水色好惡種種不同亦善  
別知日月星宿運行度數晝夜晨晡晷  
漏延促亦知其船鐵木堅脆機關澀滑  
水之大小風之逆順如是一切安危之  
相無不明了可行則行可止則止我以  
好船運諸商衆行安隱道復爲說法令  
其歡喜引至寶洲與諸珍寶咸令充足  
然後將領還閻浮提我將大船如是往



來未始令其一有損壞若有衆生得見  
我身聞我法者令其永不怖生死海頌

曰

衆生蚩蚩流浪生死情海旣深苦亦無底誰爲  
津筏截流登泚導師方便爲操舟師旣獲寶藏  
亦習險夷人以船渡隨船所之

可樂城無上勝長者

無上勝在可樂城東大莊嚴幢無憂林

中無量商人百千居士之所圍繞理斷  
人間種種事務因爲說法時彼長者告  
善財言我成就至一切處菩薩行門無  
依無作神通之力善男子我於此三千  
大千世界欲界一切諸衆生中所謂一  
切三十三天一切須夜摩天一切兜率  
陀天一切善變化天一切他化自在天  
一切魔天及餘一切天龍夜叉羅刹娑



鳩槃荼乾闥婆阿修羅迦樓羅緊那羅  
摩睺羅伽人與非人村營城邑一切住  
處諸衆生中而爲說法令捨非法令息  
諍論令除鬪戰令止忿競令破怨結令  
解繫縛令出牢獄令免怖畏令斷殺生  
乃至邪見一切惡業不可作事皆令禁  
止令其順行一切善法令其修學一切  
技藝於諸世間而作利益爲其分別種

種諸論令生歡喜令漸成熟隨順外道  
爲說勝智令斷諸見令入佛法乃至色  
界一切梵天我亦爲其說超勝法如於  
此三千大千世界乃至十方十不可說  
百千億那由他佛刹微塵數世界中我  
皆爲說佛法菩薩法聲聞法獨覺法說  
地獄說畜生說閻羅王世間說天世間  
說人世間爲欲開顯菩薩功德爲令捨



離生死過患爲令知見一切智人諸妙  
功德爲欲令知諸有趣中迷感受苦爲  
令知見無障礙法爲欲顯示一切世間  
生起所因爲欲顯示一切世間寂滅爲  
樂爲令衆生捨諸想著爲令證得佛無  
依法爲令永滅諸煩惱輪爲令能轉如  
來法輪我爲衆生說如是法頌曰

破鬪諍軍壞膠黏網所苦本空有樂亦妄凡聖  
同如號曰無上是說法者非巧言說水以融冰  
冰還水結標指雲端卽第二月

輸那國迦陵迦林城師子頻申比丘尼

此比丘尼在勝光王之所捨施日光園  
中說法利益無量衆生其園中有一大  
樹名爲滿月形如樓閣放大光明照一  
由旬見一葉樹名爲普覆見一華樹名  
曰華藏復見有一甘露果樹有一摩尼



寶樹復有衣樹復有音樂樹園中復有  
泉流陂池一切皆以七寶莊嚴八功德  
水具足盈滿無量寶樹周徧行列諸寶  
樹下敷師子座無量功德種種莊嚴皆  
從師子頻申比丘尼了法如幻集廣大  
清淨福德善業之所成就爾時師子頻  
申比丘尼徧坐一切諸寶樹下大師子  
座在一一座衆會不同所說法門亦各

差別善財童子合掌而住比丘尼言善  
男子我得解脫各成就一切智此智光  
明於一念中普照三世一切諸法我入  
此智光明門得出生一切法三昧王以  
此三昧故得意生身徃十方一切世界  
梵率天宮一生所繫菩薩所一一菩薩  
前現不可說佛刹微塵數身一一身作  
不可說佛刹微塵數供養如是於住胎



出胎在家出家往詣道場成正覺轉  
正法輪入於涅槃如是中間或住天宮  
或住龍宮乃至或復住於人宮於彼一  
一諸如來所我皆如是而爲供養若有  
衆生知我如是供養佛者皆於阿耨多  
羅三藐三菩提得不退轉若有衆生來  
至我所我卽爲說般若波羅蜜善男子  
我見一切衆生不分別衆生相智眼明

見故聽一切語言不分別語言相心無  
所著故見一切如來不分別如來相了  
達法身故住持一切法輪不分別法輪  
相悟法自性故一念徧知一切法不分  
別諸法相知法如幻故頌曰

衆生留礙爲我有身身以意生超忽無垠佛刹  
天宮神馬尻輪智蓋情葩寶樹行列祇恐狂猱  
穿雲度樾知意生者先從意滅



險難國寶莊嚴城婆須蜜多女

善財童子漸次遊行至險難國寶莊嚴  
城尋覓婆須蜜多女城中有人不知此  
女功德智慧作如是念今此童子諸根  
寂靜智慧明了不迷不亂不行魔行不  
沒欲泥有何等意而求此女其中有人  
先知此女有智慧者告善財言善哉善  
哉善男子汝今乃能推求尋覓婆須蜜

女汝已獲得廣大善利決定欲爲一切  
衆生作所依怙決定欲拔一切衆生貪  
愛毒箭決定欲破一切衆生於女色中  
所有淨想善男子婆須蜜女於此城內  
市廛之北自宅中住時善財童子聞是  
語已歡喜踊躍往詣其門見其住宅廣  
博莊嚴宮殿樓閣處處分布無量珍奇  
以爲嚴飾爾時善財見此女人顏貌端



嚴色相圓滿皮膚金色目髮紺青不長  
不短不麤不細欲界人天無能與比音  
聲美妙超諸梵世一切衆生差別言音  
悉皆具足無不解了深達字義善巧談  
說得如幻智入方便門衆寶瓔珞及諸  
嚴具莊嚴其身如意摩尼以爲寶冠而  
冠其首爾時善財頂禮其足合掌而住  
彼卽告言善男子我得菩薩解脫名離

貪欲際隨其欲樂而爲現身若天見我  
我爲天女形貌光明殊勝無比如是乃  
至人非人等而見我者我卽爲現人非  
人女隨其樂欲皆令得見若有衆生欲  
意所纏來詣我所我爲說法彼聞法已  
則離貪欲得菩薩無著境界三昧若有  
衆生暫見於我則離貪欲得菩薩歡喜  
三昧若有衆生暫與我語則離貪欲得



菩薩無礙音聲三昧若有衆生暫執我  
手則離貪欲得菩薩徧往一切佛刹三  
昧若有衆生暫升我座則離貪欲得菩  
薩解脫光明三昧若有衆生暫觀於我  
則離貪欲得菩薩寂靜莊嚴三昧若有  
衆生見我頰申則離貪欲得菩薩摧伏  
外道三昧若有衆生見我目瞬則離貪  
欲得菩薩佛境界光明三昧若有衆生

抱持於我則離貪欲得菩薩攝一切衆  
生恒不捨離三昧若有衆生唵我脣吻  
則離貪欲得菩薩增長一切衆生福德  
藏三昧凡有衆生親近於我一切皆得  
住離貪際入菩薩一切智地現前無礙  
解脫善男子我念過去有佛出世名爲  
高行其王都城名曰妙門彼高行如來  
哀愍衆生入於王城踏彼門闡其城一



切悉皆震動忽然廣博衆寶莊嚴無量  
光明遙相映徹種種寶華散布其地諸  
天音樂同時俱奏一切諸天充滿虛空  
善男子我於彼時爲長者妻名曰善慧  
見佛神力心生覺悟則與其夫往詣佛  
所以一寶錢而爲供養是時文殊師利  
童子爲佛侍者爲我說法令發阿耨多  
羅三藐三菩提心頌曰

愆鈎智拔有後有先卽鈎卽拔火宅青蓮維大  
菩薩衽席莊嚴憐愍愍衆生婆心迺爾慧鋒忍鐸  
旄情煥語曰戒曰律風斯下矣

善度城鞞瑟胝羅居士

善財童子漸次遊行詣居士宅居士告  
言善男子我得菩薩解脫名不般涅槃  
際善男子我不生心言如是如來已般  
涅槃如是如來現般涅槃如是如來當



般涅槃我知十方一切世界諸佛如來  
畢竟無有般涅槃者唯除爲欲調伏衆  
生而示現耳善男子我開栴檀座如來  
塔門時得三昧名佛種無盡我入此三  
昧隨其次第見此世界一切諸佛乃至  
不可說不可說世界微塵數佛如是一  
切次第皆見亦見彼佛初始發心種諸  
善根獲勝神通成就大願我悉能持我

遊陵集目 悉能憶悉能觀察分別顯示頌曰

涅槃而不生槃而不滅不生滅者對生滅說究竟  
半偈亦屬饒舌悟一切空行一切法後果初因  
塵塵周匝風過香生栴檀馥烈

補恒洛迦山觀自在菩薩

東方正趣菩薩

迦陵集卷之一終

迦陵集

卷之一

三

大隱堂



生而示現其善男子我開栴檀座如來  
塔門時得三昧名佛種無盡我入此三  
聖聖周匝風毳香主辨獻齋然一切諸佛乃至  
半卧亦風翰舌部一吋空行一吋去鈔果所因  
豎而不主樂而不燃不主燃香樓主燃燒寶  
悉詣謝悉詣購察令限顯示嚴曰持我

迦陵集目次

卷之二

頌

華嚴經入法界品善知識頌

補怛洛迦山觀自在菩薩

東方正趣菩薩

墮羅鉢底城大天神

摩竭提國菩提場中安住主地神



摩竭提國迦毘羅城婆珊婆演主夜神

摩竭提國菩提場內普德淨光主夜神

菩提場右喜目觀察衆生夜神

普救衆生妙德夜神

寂靜音海主夜神

守護一切城增長威力主夜神

開敷一切樹華主夜神

大願精進力救護一切衆生夜神

畢

迦陵集卷之二

吳郡姚希孟孟長甫著

頌

補怛洛迦山觀自在菩薩

善財童子漸次遊行至補怛洛迦山處

處求覓此大菩薩見其西面巖谷之中

泉流縈映樹林芬鬱香草柔軟右旋布

地觀自在菩薩於金剛寶石上結跏趺



坐無量菩薩皆坐寶石恭敬圍繞而爲  
宣說大慈悲法令其攝受一切衆生爾  
時觀自在菩薩遙見善財告言善男子  
我已成就菩薩大悲行解脫門善男子  
我以此菩薩大悲行門平等教化一切  
衆生相續不斷我住此大悲行門常在  
一切諸如來所普現一切衆生之前或  
以布施攝取衆生或以愛語或以利行

或以同事攝取衆生或現色身攝取衆  
生或現種種不思議色淨光明網攝取  
衆生或以音聲或以威儀或爲說法或  
現神變令其心悟而得成熟或爲化現  
同類之形與其共居而成熟之善男子  
我修行此大悲行門願常救護一切衆  
生願一切衆生離險道怖離熱惱怖離  
迷惑怖離繫縛怖離殺害怖離貧窮怖



離不活怖離惡名怖離於死怖離大眾  
怖離惡趣怖離黑闇怖離遷移怖離愛  
別怖離怨會怖離逼迫身怖離逼迫心  
怖離憂悲怖復作是願願諸衆生若念  
於我若稱我名若見我身皆得免離一  
切怖畏善男子我以此方便令諸衆生  
離怖畏已復教令發阿耨多羅三藐三  
菩提心永不退轉頌曰

嬰兒多怖慈母抱持大地衆生爲佛嬰兒恐使  
顛號推而遠之以自聞聞以不覺覺聽瘖子啼  
與瘖人藥是真大悲相招極樂

### 東方正趣菩薩

爾時東方有一菩薩名曰正趣從空中  
來至娑婆世界輪圍山頂以足按地其  
娑婆世界六種震動一切皆以衆寶莊  
嚴令其見者皆悉歡喜然後來詣觀自



在所時觀自在菩薩告善財言善男子  
汝見正趣菩薩來此會不白言已見告  
言善男子汝可往問菩薩云何學菩薩  
行修菩薩道爾時善財童子敬承其教  
正趣菩薩言善男子我得菩薩解脫名  
普門速疾行我從東方妙藏世界普勝  
生佛所而來此土於彼佛所得此法門  
從彼發來已經不可說不可說佛刹微

塵數劫一一念中舉不可說不可說佛  
刹微塵數步一一歩過不可說不可說  
世界微塵數佛刹一一佛刹我皆徧入  
至其佛所以妙供具而爲供養此諸供  
具皆是無上心所成無作法所印諸如  
來所忍諸菩薩所歎善男子我又普見  
彼世界中一切衆生悉知其心悉知其  
根隨其欲解現身說法或放光明或施



財寶種種方便教化調伏無有休息如  
從東方南西北方四維上下亦復如是

頌曰

南舉趾項超越十方歷事佛刹不動道場一夜  
春回萬樹飄香是曰疾速原非奇特章亥步里  
夸父逐日我則不然端然丈室

幢羅鉢底城大天神

大天在此城內現廣大身為衆說法長

舒四手取四大海水自洗其面持諸金  
華以散善財而告之言善男子一切菩  
薩難可得見難可得聞唯身語意無過  
失者然後乃得見其形像聞其辯才於  
一切時常現在前善男子我已成就菩  
薩解脫名爲雲網爾時大天於善財前  
示現金聚銀聚琉璃聚玻瓈聚磗磔聚  
碼碯聚火燄寶聚離垢藏寶聚大光明



寶聚普現十方寶聚寶冠聚寶印聚寶  
瓔珞聚寶璫聚寶釧聚寶鎖聚珠網聚  
種種摩尼寶聚一切莊嚴具聚如意摩  
尼聚皆如大山又復示現一切華一切  
鬘一切香一切燒香一切塗香一切衣  
服一切幢幡一切音樂一切五欲娛樂  
之具皆如山積及現無數百千萬億諸  
童女衆而彼大天告善財言善男子可

取此物供養如來修諸福德并施一切  
攝取衆生令其修學檀波羅蜜能捨難  
捨令以此善根熏習於三寶所善知識  
所恭敬供養增長善法發於無上菩提  
之意善男子若有衆生貪著五欲自放  
逸者爲其示現不淨境界若有衆生瞋  
恚憍慢多諍競者爲其示現極可怖形  
如羅刹等飲血噉肉令其見已驚恐惶



邊陽集  
懼心意調柔捨離怨結若有衆生惛沉  
懶墮爲其示現王賊水火及諸重疾令  
其見已心生惶怖知有憂苦而自勉策  
以如是等種種方便令捨一切諸不善  
行修行善法令除一切波羅蜜障具波  
羅蜜令超一切障礙險道到無障處頌

曰

種種寶聚我何有哉下以利生上奉如來瓦礫

泥沙盡成法財維此檀度如山得址戒忍精進  
層坡叠岷定慧雙峯破天而起

摩竭提國菩提場中安住主地神

時安住地神告善財言善來童子汝於  
此地曾種善根我爲汝現汝欲見不爾  
時善財禮地神足繞無數而合掌而立  
白言聖者唯然欲見時安住地神以足  
按地百千億阿僧祇寶藏自然涌出告



言善男子今此寶藏隨逐於汝是汝往  
昔善根果報是汝福力之所攝受汝應  
隨意自在受用善男子我得菩薩解脫  
名不可壞智慧藏常以此法成就衆生  
我憶自從然燈佛來常隨菩薩恭敬守  
護觀察菩薩所有心行智慧境界一切  
誓願諸清淨行一切三昧廣大神通大  
自在力無能壞法徧往一切諸佛國土

普受一切諸如來記轉於一切諸佛法  
輪廣說一切修多羅門大法光明普皆  
照耀教化調伏一切衆生示現一切諸  
佛神變我皆能領受皆能憶持善男子  
乃往古世過須彌山微塵數劫有劫名  
莊嚴世界名月幢佛號妙眼於彼佛所  
得此法門善男子我於此法門若入若  
出修習增長常見諸佛未曾捨離始從



初得乃至賢劫於其中間值遇不可說  
不可說佛刹微塵數如來應正等覺悉  
皆承事恭敬供養亦見彼佛詣菩薩座  
現大神力亦見彼佛所有一切功德善  
根頌曰  
植福獲福啓篋探囊誰知善財乃能多藏此世  
南詢風生暴糧安住地神是主藏史領憶受持  
拱手而與我有髻珠聞君拾取

摩竭提國迦毘羅城婆珊婆演主夜神  
善財童子漸次遊行至迦毘羅彼城從  
東門入佇立未久便見日沒見彼夜神  
於虛空中處寶樓閣香蓮華藏師子之  
座身真金色目髮紺青形貌端嚴見者  
歡喜衆寶瓔珞以爲嚴飾身服朱衣首  
戴梵冠一切星宿炳然在體於其身上  
一一毛孔皆現化度無量無數惡道衆



生令其免離險難之像時彼夜神告善財言善男子我得菩薩破一切衆生癡暗法光明解脫善男子我於夜闇人靜鬼神盜賊諸惡衆生所遊行時密雲重霧惡風暴雨日月星宿並皆昏蔽不見色時見諸衆生若入於海若行於陸山林曠野諸險難處或遭盜賊或乏資糧或迷惑方隅或忘失道路障惶憂怖不

能自出我時卽以種種方便而救濟之爲海難者示作船師魚王馬王龜王象王阿修羅王及以海神爲彼衆生止惡風雨息大波浪引其道路示其洲岸令免怖畏悉得安隱復作是念以此善根迴施衆生願令捨離一切諸苦爲在陸地一切衆生於夜暗中遭恐怖者現作日月及諸星宿晨霞夕電種種光明或



作屋宅或爲人衆令其得免恐怖之厄  
復作是念以此善根迴施衆生悉令除  
滅諸煩惱暗一切衆生有惜壽命有愛  
名聞有貪財寶有重官位有著男女有  
戀妻妾未稱所求多生憂怖我皆救濟  
令其離苦爲行山險而留難者爲作善  
神現形親近爲作好鳥發音慰悅爲作  
靈藥舒光照耀示其果樹示其泉井示

其直道示平坦地令其免離一切憂厄  
爲行曠野稠林險道藤蘿所罥雲霧所  
暗而恐怖者示其正道令得出離作是  
念言願一切衆生伐見稠林截愛羅網  
出生死野滅煩惱暗入一切智平坦正  
道到無畏處畢竟安樂若有衆生行暗  
夜中迷惑十方於平坦路生險難想於  
險難道起平坦想以高爲下以下爲高



其心迷惑生大苦惱我以方便舒光照  
及若欲出者示其門戶若欲行者示其  
道路欲度溝洫示其橋梁欲涉河海與  
其船筏樂觀方者示其險易安危之處  
欲休息者示其城邑水樹之所作是念  
言如我於此照除夜暗令諸世事悉得  
宣叙願我普於一切衆生生死長夜無  
明暗處以智慧光普皆照了令其疾發

阿耨多羅三藐三菩提心既發心已示  
普賢乘開十力道亦示如來法王境界  
亦示諸佛一切智城令其安住善男子  
乃往古世過如須彌山微塵數劫有劫  
名寂靜光世界名出生妙寶有五億佛  
於中出現彼世界中有四天下名寶月  
燈光有城名蓮華光王名善法度以法  
施化成就七寶王四天下王有夫人名



法慧月夜久眠寐時彼城東有一大林  
名爲寂住林中有一大菩提樹名一切  
光摩尼王莊嚴身出生一切佛神力光  
明爾時有佛名一切法雷音王於此樹  
下成等正覺放無量色廣大光明徧照  
出生妙寶世界蓮光城內有主夜神名  
爲淨月詣王夫人法慧月所動身瓔珞  
以覺夫人而告之言夫人當知一切法

雷音王如來於寂住林成無上覺及廣  
爲說諸佛功德自在神力普賢菩薩所  
有行願令王夫人發阿耨多羅三藐三  
菩提意供養彼佛及諸菩薩聲聞僧衆  
善男子時王夫人法慧月者豈異人乎  
我身是也過此劫已復過萬劫於賢劫  
前有劫名無憂徧照世界名離垢妙光  
其世界中淨穢相雜有五百佛於中出



現其第一佛名須彌幢寂靜妙眼如來  
應正等覺我爲名稱長者女名妙慧光  
明端正殊妙彼淨月夜神以願力故於  
離垢世界一四天下妙幢王城中生作  
主夜神名清淨眼我於一時在父母邊  
夜久眠息彼清淨眼來詣我所震動我  
宅放大光明出現其身讚佛功德言妙  
眼如來坐菩提座始成正覺勸喻於我  
及以父母并諸眷屬令速見佛自爲前  
導引至佛所廣興供養我纔見佛卽得  
三昧名出生見佛調伏衆生三世智光  
明輪獲此三昧故能憶念須彌山微塵  
數劫亦見其中諸佛於彼佛所聽聞妙  
法以聞法故卽得此破一切衆生暗法  
光明解脫頌曰

明星未睹羣眈徬徨翳大導師一燈煌煌脫彼



險屯示以康莊意坎情谿地獄箭射白日實顛  
豈獨長夜有一孤筇慧命所藉

摩竭提國菩提場內普德淨光主夜神

夜神言善男子我得菩薩解脫名寂靜  
禪定樂普遊步普見三世一切諸佛亦  
見彼佛清淨國土道場衆會神通名號  
說法壽命言音身相種種不同悉皆明  
覩而無取著何以故知諸如來非去世

趣永滅故非來體性無生故非生法身  
平等故非滅無有生相故非實住如幻  
法故非妄利益衆生故非遷超過生死  
故非壞性常不變故一相言語悉離故  
無相性相本空故我修此解脫時以種  
種方便成就衆生所謂於在家放逸衆  
生令生不淨想可厭想疲勞想逼迫想  
繫縛想羅刹想無常想苦想無我想空



想無生想不自在  
想老病死想自於五  
欲不生樂著亦勸衆生  
不著欲樂唯住  
法樂出離於家  
入於非家若有衆生住  
於空閑我爲止息  
諸惡音聲於靜夜時  
爲說深法與順行緣  
開出家門示正道  
路爲作光明除其闇障  
滅其怖畏頌曰  
陷魔入軍常在清宵  
或擁布衾夢轉醅醕  
或耽曲房聲咽管簫  
誰蹴而驚誰掖而起  
砭以苦空

出爾生死玉漏沉沉  
禪心似水

菩提場右喜目觀察衆生  
夜神

善財童子詣喜目觀察衆生  
夜神所見  
彼夜神在於如來衆會道場  
坐蓮華藏  
師子之座入大勢力普喜幢  
解脫於其  
身上一一毛孔出無量種變化  
身雲隨  
其所應以妙言音而爲說法  
普攝無量  
一切衆生皆令歡喜而得利益  
善財童



子見一切諸希有事則得菩薩不思議  
大勢力普喜幢自在力解脫何以故與  
喜目夜神於往昔時同修行故爾時善  
財童子白言天神汝發阿耨多羅三藐  
三菩提心爲幾時耶得此解脫其已久  
如爾時喜目觀察衆生主夜神以頌答  
曰  
我念過去世過於刹塵劫  
刹號摩尼光

劫名寂靜音 中有一王都 號曰香幢寶  
莊嚴最殊妙 見者皆欣悅 中有轉輪王  
其身甚微妙 三十二種相 隨好以莊嚴  
蓮華中化生 金色光明身 騰空照遠近  
普及閻浮界 其王有千子 勇猛身端正  
臣佐滿一億 智慧善方便 嬪御有十億  
顏容狀天女 利益調柔意 慈心給侍王  
其王以法化 普及四天下 輪圍大地中



一切皆豐盛  
我時爲寶女  
具足梵音聲  
身出金色光  
照及千由旬  
日光旣已沒  
音樂咸寂然  
大王及侍御  
一切皆安寢  
彼時德海佛  
出興於世間  
顯現神通力  
克滿十方界  
地震出妙音  
普告佛興世  
天人龍神衆  
一切皆歡喜  
一一毛孔中  
出佛化身海  
十方皆徧滿  
隨應說妙法  
我時於夢中  
見佛諸神變  
亦聞深妙法

心生大歡喜  
一萬主夜神  
共在空中住  
讚歎佛興世  
同時覺悟我  
賢慧汝應起  
佛已現汝國  
劫海難值遇  
見者得清淨  
我時便寐寤  
卽覩清淨光  
觀此從何來  
見佛樹王下  
諸相莊嚴體  
猶如寶山王  
一切毛孔中  
放大光明海  
見已心歡喜  
便生此念言  
願我得如佛  
廣大神通力  
我時尋覺悟  
大王并眷屬  
令見佛光明



一切皆欣慶 我時與大王 騎從千萬億  
衆生亦無量 俱行詣佛所 我於二萬歲  
供養彼如來 七寶四天下 一切皆奉施  
時彼如來說 功德普雲經 普應羣生心  
莊嚴諸願海 夜神覺悟我 令我得利益  
我願作是身 覺諸放逸者 我從此初發  
最上菩提願 往來諸有中 其心無忘失  
從此後供養 十億那由佛 恒受人天樂

饒益諸羣生 如是等諸佛 我悉曾供養  
然未得慧眼 入於解脫海 次有佛出現  
名爲功德幢 我爲月面天 供養人中主  
時佛爲我說 無依妙法門 我聞專念持  
出生諸願海 我得清淨眼 寂滅定總持  
能於念念中 悉見諸佛海 我得大悲藏  
普明方便眼 增長菩提心 成就如來力  
見衆生顛倒 執常樂我淨 愚癡暗所覆



妄想起煩惱 行止見稠林 往來貪欲海

集於諸惡趣 無量種種業 一切諸趣中

隨業而受身 生老死衆患 無量苦逼迫

爲彼衆生故 我發無上心 願得如十方

一切十力尊 緣佛及衆生 起於大願雲

從是修功德 趣入方便道 願雲悉彌覆

普入一切道 具足波羅蜜 克滿於法界

速入於諸地 三世方便海 一念修諸佛

一切無礙行 佛子我爾時 得入普賢道

了知十法界 一切差別門

善男子於汝意云何彼時轉輪聖王名

十方主能紹隆佛種者豈異人乎文殊

師利童子是也爾時夜神覺悟我者普

賢菩薩之所化耳我於爾時爲王寶女

蒙被夜神覺悟於我令我見佛發阿耨

多羅三藐三菩提心自從是來經佛刹



微塵數劫不墮惡趣常生人天於一切處常見諸佛乃至於妙燈功德幢佛所得此大勢力普喜幢菩薩解脫以此解脫如是利益一切衆生頌曰  
夜神覺我我覺羣生矻怠針慵入精進軍千萬億劫歷事世尊曾與善財同學叅訪一笑相逢送君南往前有青獅後則白象

一 普救衆生妙德夜神

野人普救

時彼夜神於兩眷間放大光明名智燈普照清淨幢無量光明以爲眷屬其光普照一切世間照世間已入善財頂克滿其身善財爾時卽得究竟清淨輪三昧爾時善財童子白普救衆生妙德夜神言天神今此解脫甚深希有其名何等得此解脫其已久如修何等行而得清淨夜神言善男子乃往古世過佛刹



微塵數劫爾時有劫名圓滿清淨世界  
名毘盧遮那大威德有須彌山微塵數  
如來於中出現此界東際輪圍山側有  
四天下名寶燈華幢有轉輪王於中出  
現名毘盧遮那妙寶蓮華髻恒以正法  
教導羣生王有千子端正勇健能伏怨  
敵百萬億那由他宮人姝女皆悉與王  
同種善根同修諸行同時誕生端正姝

妙猶如天女身真金色常放光明諸毛  
孔中恒出妙香良臣猛將具足十億王  
有正妃名圓滿面是王女寶端正殊特  
皮膚金色目髮紺青言同梵音身有天  
香常放光明照千由旬其有一女名普  
智燄妙德眼形體端嚴色相殊美衆生  
見者情無厭足爾時衆生壽命無量或  
有不定而中天者種種形色種種音聲



種種名字種種族姓愚智勇怯貧富苦  
樂無量品類皆悉不同時或有人語餘  
人言我身端正汝形鄙陋作是語已過  
相毀辱集不善業以是業故壽命色力  
一切樂事悉皆損減時彼城北有菩提  
樹名普光法雲音幢於彼樹前有一香  
池名寶華光明演法雷音彼香池內出  
大蓮華名普現三世一切如來莊嚴境

界雲須彌山微塵數佛於中出現其第  
一佛名普智寶燄妙德幢於此華上最  
初得阿耨多羅三藐三菩提無量千歲  
演說正法成熟衆生時普賢菩薩知寶  
華燈王城中衆生自恃色貌及諸境界  
而生憍慢陵蔑他人化現妙身端正殊  
特往詣彼城放大光明普照一切令彼  
聖王及諸妙寶日月星宿衆生身等一



切光明悉皆不現譬如日出衆景奪曜  
亦如聚墨對闇浮金時諸衆生成作是  
言此爲是誰爲天爲梵今放此光令我  
等身所有光色皆不顯現種種思惟無  
能解了爾時普賢菩薩在彼輪王寶宮  
殿上虛空中住而告之言大王當知今  
汝國中有佛興世在普光明法雲音幢  
菩提樹下時聖王女蓮華妙眼見普賢

菩薩所現色身光明自在及聞身上諸  
莊嚴具所出妙音心生歡喜作如是念  
願我所有一切善根得如是身如是莊  
嚴如是相好如是威儀如是自在今此  
大聖能於衆生生死長夜黑闇之中放  
大光明開示如來出興於世願令於我  
亦得如是爲諸衆生作智光明破彼所  
有無知黑闇願我所在受生之處常得



不離此善知識卽解身上諸莊嚴具持  
以散佛時莊嚴具於虛空中變成寶蓋  
寶網垂下龍王執持一切宮殿於中間  
列十種寶蓋周帀圍繞形如樓閣內外  
清淨諸瓔珞雲及諸寶樹香海摩尼以  
爲莊嚴於此蓋中有菩提樹枝葉榮茂  
普覆法界念念示現無量莊嚴毘盧遮  
那如來坐此樹下有不可說佛刹微塵

數菩薩前後圍繞皆從普賢行願出生  
既見是已其心清淨生大歡喜普智寶  
燄妙德幢王如來爲說修多羅名一切  
如來轉法輪時彼女人聞此經已則得  
成就十千三昧門其心柔軟無有鹿彊  
如初受胎如始誕生如娑羅樹初始生  
芽彼三昧心亦復如是時彼如來復爲  
其女開示演說發心已來所集善根所



修妙行所得大果令其開悟成就如來  
所有願海一心趣向一切智位善男子  
復於此前過十大劫有世界名曰輪光  
摩尼佛號因陀羅幢妙相此妙眼女於  
彼如來遺法之中普賢菩薩勸其修補  
蓮華座上故壞佛像旣修補已而復采  
畫已復寶莊嚴發阿耨多羅三藐三菩  
提心善男子我念過去由普賢菩薩善

知識故種此善根從是已來不墮惡趣  
常於一切天王人王種族中生端正可  
喜衆相圓滿令人樂見常見於佛常得  
親近普賢菩薩乃至於今示導開悟成  
熟於我令生歡喜善男子於意云何爾  
時毘盧遮那藏妙寶蓮華髻轉輪聖王  
者豈異人乎今彌勒菩薩是時王妃圓  
滿面者寂靜音海夜神是今所住處去



此不遠時妙德眼童女者卽我身是我  
於彼時身爲童女普賢菩薩勸我修補  
蓮華座像以爲無上菩提因緣令我發  
於阿耨多羅三藐三菩提心我於彼時  
初始發心次復引導令我得見妙德幢  
佛解身瓔珞散佛供養見佛神力聞佛  
說法卽得菩薩普現一切世間調伏衆  
生解脫門過彼毘盧遮那大威德世界

圓滿清淨劫已次有世界名寶輪妙莊  
嚴劫名大光有五百佛於中出現我皆  
承事恭敬供養其最後佛名克滿虛空  
法界妙德燈我爲妓女名曰美顏見佛  
入城歌舞供養承佛神力踊在空中以  
千偈頌讚歎於佛佛爲於我放眷間光  
名莊嚴法界大光明徧觸我身我蒙光  
已卽得解脫門名法界方便不退藏彼



諸如來所說正法我皆憶念乃至不忘  
一文一句頌曰

菩提樹下瓔珞解身蓮華座上壞像鼎新虛空  
讚佛韻同瑤笙以是功德入普賢行智寶吐暉  
華燈落燼海印當空山河交暎

寂靜音海主夜神

時彼夜神告善財言善男子我得菩薩  
念念出生廣大喜莊嚴解脫門若見衆

生樂著所住宮殿屋宅我爲說法令其  
了達諸法自性離諸執著若見衆生戀  
著父母兄弟姊妹我爲說法令其得預  
諸佛菩薩清淨衆會若見衆生戀著妻  
子我爲說法令其捨離生死愛染起大  
悲心於一切衆生平等無二若見衆生  
住於王宮姝女侍奉我爲說法令其得  
與衆聖集會入如來教若見衆生染著



境界我爲說法令其得入如來境界若  
見衆生多瞋恚者我爲說法令住如來  
忍波羅蜜若見衆生其心懈怠我爲說  
法令得清淨精進波羅蜜若見衆生其  
心散亂我爲說法令得如來禪波羅蜜  
若見衆生入見稠林無明闇障我爲說  
法令得出離稠林黑暗若見衆生無智  
慧者我爲說法令得般若波羅蜜若見

衆生染著三界我爲說法令出生死若  
見衆生志意下劣我爲說法令其圓滿  
佛菩提願若見衆生住自利行我爲說  
法令其發起利益一切諸衆生願若見  
衆生志力微弱我爲說法令得菩薩力  
波羅蜜若見衆生愚癡闇心我爲說法  
令得菩薩智波羅蜜若見衆生色相不  
具我爲說法令得如來清淨色身若見



邊陲集  
衆生形容醜陋我爲說法令得無上清  
淨法身若見衆生色相麤惡我爲說法  
令得如來微妙色身若見衆生情多憂  
惱我爲說法令得如來畢竟安樂若見  
衆生貧窮所苦我爲說法令得菩薩功  
德寶藏若見衆生住止園林我爲說法  
令彼勤求佛法因緣若見衆生行於道  
路我爲說法令其趣向一切智道若見

衆生在聚落中我爲說法令出三界若  
見衆生住止人間我爲說法令其超越  
二乘之道住如來地若見衆生居住城  
郭我爲說法令其得住法王城中若見  
衆生住於四隅我爲說法令得三世平  
等智慧若見衆生住於諸方我爲說法  
令得智慧見一切法若見衆生貪行多  
者我爲彼說不淨觀門令其捨離生死



愛染若見衆生瞋行多者我爲彼說大  
慈觀門令其得入勤加修習若見衆生  
癡行多者我爲說法令得明智觀諸法  
海若見衆生等分行者我爲說法令其  
得入諸乘願海若見衆生樂生死樂我  
爲說法令其厭離若見衆生厭生死苦  
應爲如來所化度者我爲說法令能方  
便示現受生若見衆生愛著五蘊我爲

說法令其得住無依境界若見衆生其  
心下劣我爲顯示勝莊嚴道若見衆生  
心生憍慢我爲其說平等法忍若見衆  
生其心諂曲我爲其說菩薩直心善男  
子我以此等無量法施攝諸衆生種種  
方便教化調伏令離惡道受人天樂脫  
三界縛住一切智我時便得廣大歡喜  
法光明海其心怡暢安隱適悅我於往



昔過二佛刹微塵數劫於清淨光金莊  
嚴世界中爲菩提樹神聞不退轉法界  
音如來說法發阿耨多羅三藐三菩提  
心於二佛刹微塵數劫中修菩提行然  
後乃生此娑婆世界賢劫之中從迦羅  
鳩孫馱佛至釋迦牟尼佛及此劫中未  
來所有一切諸佛我皆如是親近供養  
如於此世界賢劫之中供養未來一切

諸佛一切世界一切劫中所有未來一  
切諸佛悉亦如是親近供養善男子彼  
清淨光金莊嚴世界今猶現在諸佛出  
現相續不斷汝當一心修此菩薩大勇  
猛門頌曰

衆生耽着情膠意糜又如棘林罌樹牽枝有憐  
憫者示其遠離更多方便度人權巧缺者令圓  
醜者令姣暗室懸燈未明先曉



守護一切城增長威力主夜神

時守護一切城夜神告善財言善男子  
我得菩薩甚深自在妙音解脫爲大法  
師無所罣礙善能開示諸佛法藏故具  
大誓願大慈悲力令一切衆生住菩提  
心故我以此等法施衆生令生白法求  
一切智其心堅固猶如金剛那羅延藏  
善能觀察佛力魔力常得親近諸善知

識摧破一切業惑障山集一切智助道  
之法心恒不捨一切智地善男子乃往  
古世過世界轉微塵數劫有劫名離垢  
光明有世界名世界功德雲彼世界中  
有四天下名爲妙幢中有王都名普寶  
華光去此不遠有菩提場名普顯現法  
王宮殿須彌山微塵數如來於中出現  
其最初佛名法海雷音光明彼佛出時



有轉輪王名清淨日光明面於其佛所受持一切法海旋修多羅佛涅槃後其王出家護持正法法欲滅時有千部異衆千種說法近於末劫業惑障重諸惡比丘多有鬪諍樂著境界不求功德樂說王論賊論女論國論海論及以一切世間之論時王比丘而語之言奇哉苦哉佛於無量諸大劫海集此法炬云何

汝等而共毀滅作是說已上升虛空高七多羅樹身出無量諸色燄雲放種種色大光明網令無量衆生發菩提心以是因緣彼如來教復於六萬五千歲中而得興盛時有比丘尼名法輪化光是此王女百千比丘尼而爲眷屬聞父王語及見神力發菩提心永不退轉得三昧名一切佛教燈又得此甚深自在妙



音解脫得此身心柔軟卽得現見法海  
雷音光明王如來一切神力善男子於  
汝意云何彼時轉輪聖王隨於如來轉  
正法輪佛涅槃後興隆末法者豈異人  
乎今普賢菩薩是其法輪化光比丘尼  
卽我身是我於彼時守護佛法令十萬  
比丘尼於阿耨多羅三藐三菩提得不  
退轉善男子如是等須彌山微塵數如  
來我皆尊重親近供養聽聞受持所說  
妙法亦於彼一切諸如來所出家學道  
護持法教入此菩薩甚深自在妙音解  
脫種種方便教化成熟無量衆生我從  
是來於生死夜無明昏昧諸衆生中而  
獨覺悟令諸衆生守護心城捨三界城  
住一切智無上法城頌曰

鬪諍劫中闡提明與黜哉冥夜復生玄雲蝕我



白法如吞月輪輪王護持王女讚嘆領十萬衆  
開佛知見黑路迷津空中一喚曰

開敷一切樹華主夜神讚頌小劫計三累劫  
夜神言善男子我於娑婆世界日光已  
沒蓮華覆合諸人衆等罷遊觀時見其  
一切若山若水若城若野如是等處種  
種衆生咸悉發心欲還所住我皆密護  
令得正道達其處所宿夜安樂若有衆

生盛年好色憍慢放逸五欲自恣我爲  
示現老病死相令生恐怖捨離諸惡復  
爲稱歎種種善根使其修習爲慳恪者  
讚歎布施爲破戒者稱揚淨戒有瞋恚  
者教住天慈懷惱害者令行忍辱若懈  
怠者令起精進若散亂者令修禪定住  
惡慧者令學般若樂小乘者令住大乘  
樂著三界諸趣中者令住菩薩願波羅



蜜若有衆生福智微劣爲諸結業之所  
逼迫多留礙者令住菩薩力波羅蜜若  
有衆生其心暗昧無有智慧令住菩薩  
智波羅蜜善男子我已成就菩薩出生  
廣大喜光明解脫門憶念毘盧遮那如  
來應正等覺往昔所修菩薩行海悉皆  
明見善男子乃往古世過世界海微塵  
數劫有世界海名普光明真金摩尼山

其世界海中有佛出現名普照法界智  
慧山寂靜威德王有一王都名堅固妙  
寶莊嚴雲燈一萬大城周而圍繞閻浮  
提人壽萬歲時其中有王名一切法音  
圓滿蓋王父淨光明王母蓮華光爾時  
彼王威德普被閻浮提內無有怨敵時  
彼世界劫欲盡時有五濁起一切人衆  
壽命短促資財乏少形色鄙陋多苦少



樂不修十善專作惡業更相忿諍互相  
毀辱離他眷屬妬他榮好任情起見非  
法貪求以是因緣風雨不時苗稼不登  
園林草樹一切枯槁人民匱乏多諸疫  
病馳走四方靡所依怙咸來共繞王都  
大城無量無邊百千萬億四面周而高  
聲大呼或舉其手或合其掌或以頭扣  
地或以手搥胸或屈膝長號或踊身大

叫頭髮蓬亂衣裳弊惡皮膚皴裂面目  
無光而向王言大王大王我等今日貧  
窮孤露飢渴寒凍疾病衰羸衆苦所逼  
命將不久無依無救無所控告我等今  
日來歸大王我觀大王仁慈智慧於大  
王所生得安樂想得所愛想得活命想  
得攝受想得寶藏想遇津梁想逢道路  
想值船筏想見寶洲想獲財利想升天



邊陲集  
宮想爾時大王聞此語已得百萬阿僧  
祇大悲門一心思惟發十種大悲語其  
十者何所謂哀哉衆生墮於無底生死  
大坑我當云何而速勉濟令其得住一  
切智地哀哉衆生爲諸煩惱之所逼迫  
我當云何而作救護令其安住一切善  
業哀哉衆生生老病死之所恐怖我當  
云何爲作歸依令其永得身心安隱哀

哉衆生常爲世間衆怖所逼我當云何  
而爲祐助令其得住一切智道哀哉衆  
生無有智眼常爲身見疑惑所覆我當  
云何爲作方便令其得抉疑見翳膜哀  
哉衆生常爲癡闇之所迷惑我當云何  
爲作明炬令其照見一切智城哀哉衆  
生常爲慳嫉諂誑所濁我當云何而爲  
開曉令其證得清淨法身哀哉衆生長



時漂沒生死大海我當云何而普運度  
令其得上菩提彼岸哀哉衆生諸根剛  
強難可調伏我當云何而爲調御令其  
具足諸佛神力哀哉衆生猶如盲瞽不  
見道路我當云何而爲引導令其得入  
一切智門作是語已擊鼓宣令我今普  
施一切衆生隨有所須悉令克足卽時  
頒下閻浮提內大小諸城及諸聚落悉

開庫藏出種種物置四衢道所謂金銀  
琉璃摩尼等寶衣服飲食華香瓔珞宮  
殿屋宅牀榻敷具建大光明摩尼寶幢  
其光觸身悉使安隱亦施一切病緣湯  
藥種種寶器盛衆雜寶金剛器中盛種  
種香寶香器中盛種種衣輦舉車乘幢  
幡繪蓋如是一切資生之物悉開庫藏  
而以給施亦施一切村營城邑山澤林



敷妻子眷屬及以王位頭目耳鼻唇舌  
牙齒手足皮肉心腎肝肺內外所有悉  
皆能捨其堅固妙寶莊嚴雲燈城東面  
有門名摩尼山光明於其門外有施會  
處其地廣博清淨平坦無諸坑坎荆棘  
沙礫一切皆以妙寶所成散衆寶華熏  
諸妙香然諸寶燈一切香雲充滿虛空  
無量寶樹次第行列無量華網無量香

網彌覆其上無量百千億那由他諸音  
樂器恒出妙音如是一切皆以妙寶而  
爲莊嚴悉是菩薩淨業果報時彼大王  
處師子座形容端正人相具足光明妙  
寶以爲其冠那羅延身不可沮壞一一  
肢分悉皆圓滿性普賢善王種中生於  
財及法悉得自在辯才無礙智慧明達  
以政治國無違命者爾時閻浮提無量



邊陲集  
無數百千萬億那由他衆生俱來此會  
觀察彼王咸言此王是大智人是福須  
彌是功德月住菩薩願行廣大施時王  
見彼諸來乞者生悲愍心生歡喜心生  
尊重心生善友心生廣大心生相續心  
生精進心生不退心生捨施心生周徧  
心善男子爾時彼王見諸乞者心大歡  
喜經須臾頃假使忉利天王夜摩天王

兜率陀天王善化天王自在天王大梵  
天王光音天王徧淨天王淨居天王不  
可說劫住寂靜樂悉不能及善男子譬  
如有人仁慈孝友遭逢世難父母妻息  
兄弟姊妹並皆散失忽於曠野道路之  
間而相值遇瞻奉撫對情無厭足時彼  
大王見來求者心生歡喜亦復如是時  
此會中有長者女名寶光明與六十童



女俱端正姝妙人所喜見皮膚金色目  
髮紺青身出妙香口演梵音上妙寶衣  
以爲莊嚴常懷慙愧正念不亂具足威  
儀恭敬師長常念順行甚深妙行所聞  
之法憶持不忘宿世善根流潤其心清  
淨廣大猶如虛空等安衆生常見諸佛  
求一切智時寶光明女去王不遠合掌  
頂禮作如是念我獲善利我獲善利我

今得見大善知識於彼王所生大師想  
善知識想具慈悲想能攝受想其心正  
直生大歡喜脫身纓絡持奉彼王作是  
願言今此大王爲無量無邊無明衆生  
作所依處願我未來亦復如是如彼大  
王所知之法所載之乘所修之道所具  
色相所有財產所攝衆會無邊無盡難  
勝難壞願我未來悉得如是隨所生處



皆隨往生爾時大王知此童女發如是  
心而告之言童女隨汝所欲我皆與汝  
我今所有一切皆捨令諸衆生普得滿  
足汝今生此閻浮提中發勇猛心普攝  
衆生功不唐捐亦當成就如是功德王  
讚女已以無價寶衣手自授與寶光童  
女并其眷屬一一告言汝著此衣時諸  
童女雙膝著地兩手承捧置於頂上然

後而著旣著衣已右繞於王諸寶衣中  
普出一切星宿光明衆人見之咸作是  
大言此諸女等皆悉端正如淨夜天星宿  
莊嚴善男子爾時一切法音圓滿蓋王  
者豈異人乎今毘盧遮那如來應正等  
覺是也光明王者淨飯王是蓮華光夫  
人者摩耶夫人是寶光明童女者卽我  
身是其王爾時以四攝法所攝衆生卽



此會中一切菩薩是皆於阿耨多羅三藐三菩提得不退轉頌曰

童女發願力平等一舉念間聽大悲音攢膚劈肌迨拯濟已樂不可支巍巍圓蓋功德如斯而此童女願力平等一舉念間登毘盧頂無價寶衣非君孰領

大願精進力救護一切衆生夜神天呈亦時善財童子觀察大願精進力救護一切衆生夜神起十種清淨心獲如是等

佛刹微塵數同菩薩行既獲此已心轉清淨白言大聖願爲我說此解脫門名爲何等發心已來爲幾時耶久如當得阿耨多羅三藐三菩提夜神告言善男子此解脫門名教化衆生令生善根我以成就此解脫故悟一切法自性平等入於諸法真實之性證無依法捨離世間悉知諸法色相差別亦能了達青黃



赤白性皆不實無有差別而恒示現無  
量色身念念中現如是等色相身充滿  
十方令諸衆生或見或念或聞說法或  
因親近或得開悟或見神通或覩變化  
悉隨心樂應時調伏捨不善業住於善  
行佛子菩薩智慧雖復如是甚深難測  
我當承佛威神之力爲汝解說令未來  
世諸菩薩等滿足大願成就諸力佛子

乃往古世過世界海微塵數劫有劫名  
善光世界名寶光於其劫中有一萬佛  
出興于世其最初佛號法輪音虛空燈  
王如來應正等覺十號圓滿滿一百年  
坐於道場爲諸菩薩諸天世人及閻浮  
提宿植善根已成熟者演說正法是時  
國王名曰勝光時世人民壽一萬歲其  
中多有殺盜姪佚妄言綺語兩舌惡口



貪瞋邪見不孝父母不敬沙門婆羅門  
等時王爲欲調伏彼故造立囹圄枷鎖  
禁閉無量衆生於中受苦王有太子名  
爲善伏端正殊特人所喜見具二十八  
大人之相在宮殿中遙聞獄囚楚毒音  
聲心懷傷愍從宮殿出入牢獄中見諸  
罪人杻械枷鎖遮相連繫置幽闇處或  
以火炙或以烟熏或被榜笞或遭臙割

裸形亂髮飢渴羸瘦筋斷骨現號叫苦  
劇太子見已心生悲愍以無畏聲安慰  
之言汝莫憂惱汝勿愁怖我當令汝悉  
得解脫便詣王所而白王言獄中罪人  
苦毒難處願垂寬宥施以無畏時王卽  
集五百大臣而問之言是事云何諸臣  
荅言彼罪人者私竊官物謀奪王位盜  
入宮闈罪應刑戮有哀救者罪亦至死



時彼太子悲心轉切語大臣言如汝所  
說但放此人隨其所應可以治我我爲  
彼故一切苦事悉皆能受粉身歿命無  
所顧惜要令罪人皆得免苦何以故我  
若不救此衆生者云何能救三界牢獄  
諸苦衆生一切衆生在三界中貪愛所  
縛愚癡所蔽貧無功德墮諸惡趣身形  
鄙陋諸根放逸其心迷惑不求出道失

智慧光樂著三有斷諸福德滅諸智慧  
種種煩惱濁亂其心住苦牢獄入魔罟  
網生老病死憂悲惱害如是諸苦常所  
逼迫我當云何令彼解脫應捨身命而  
拔濟之時諸大臣共詣王所悉舉其手  
高聲唱言大王當知如太子意毀壞王  
法禍及萬人若王愛念不責治者王之  
寶祚亦不久立王聞此言赫然大怒令



誅太子及諸罪人王后聞之愁憂號哭  
毀形降服與千姝女馳詣王所舉身投  
地頂禮王足俱作是言唯願大王赦太  
子命王卽廻顧語太子言莫救罪人若  
救罪人必當殺汝爾時太子爲欲專求  
一切智故爲欲利益諸衆生故爲以大  
悲普救攝故其心堅固無有退怯復白  
王言願恕彼罪身當受戮王言隨意爾

時王后自言大王願聽太子半月行施  
恣意修福然後治罪王卽聽許時都城  
北有一大園名曰日光是昔施場太子  
徃彼設大施會飲食衣服華鬘纓絡塗  
香末香幢幡寶蓋諸莊嚴具隨有所求  
靡不周給經半月已於最後日國王大  
臣長者居士城邑人民及諸外道悉來  
集會時法輪音虛空燈王如來知諸衆



生調伏時至與大眾俱天王圍繞龍王  
供養夜叉王守護乾闥婆王讚歎阿修  
羅王曲躬頂禮迦樓羅王以清淨心散  
諸寶華緊那羅王歡喜勸請摩睺羅伽  
王一心瞻仰來入彼會爾時太子及諸  
大眾遙見佛來端嚴殊特心淨歡喜煩  
惱消滅爾時太子及諸大眾五體投地  
頂禮其足安施牀座合掌白言善來世

尊善來善逝唯願哀愍攝受於我處於  
此座以佛神力淨居諸天卽變此座爲  
香摩尼蓮華之座佛坐其上諸菩薩衆  
亦皆就座周帀圍繞時彼會中一切衆  
生因見如來苦滅障除堪受聖法爾時  
如來知其可化以圓滿音說修多羅名  
普照因輪令諸衆生隨類各解時彼會  
中有八十那由他衆生遠塵離垢得淨



法眼無量那由他衆生得無學地十千  
衆生住大乘道入普賢行成滿大願當  
爾之時十方各百佛刹微塵數衆生於  
大乘中心得調伏無量世界一切衆生  
免離惡趣生於天上善伏太子卽於此  
時得菩薩教化衆生令生善根解脫門  
善男子爾時太子豈異人乎我身是也  
我因往昔起大悲心捨身命財救苦衆

生開門大施供養於佛得此解脫佛子  
當知我於爾時但爲利益一切衆生不  
著三界不求果報不貪名稱不欲自讚  
輕毀於他於諸境界無所貪染無所怖  
畏但莊嚴大乘出要之道常樂觀察一  
切智門修行苦行得此解脫佛子於汝  
意云何彼時五百大臣欲害我者豈異  
人乎今提婆達多等五百徒黨是也是



諸人等蒙佛教化皆當得阿耨多羅三藐三菩提於未來世過須彌山微塵數劫爾時有劫名善光世界名寶光於中成佛其五百佛次第與世彼諸罪人我所救者卽拘留孫等賢劫千佛及百萬阿僧祇諸大菩薩於無量精進力名稱功德慧如來所發阿耨多羅三藐三菩提心今於十方國土行菩薩道修習增

長此菩薩教化衆生令生善根解脫者是時勝光王今薩遮尼乾子大論師是時王宮人及諸眷屬卽彼尼乾六萬弟子與師俱來建大論幢共佛論議悉降伏之授阿耨多羅三藐三菩提記者是此諸人等皆當作佛國土莊嚴劫數名號各各有異佛子我於爾時救罪人已父母聽我捨離國土妻子財寶於法輪



音虛空燈王佛所出家學道五百歲中  
淨修梵行卽得成就百萬陀羅尼百萬  
神通百萬法藏種種根性種種業習種  
種成就皆悉明了佛子我於爾時命歿  
之後還復於彼王家受生作轉輪王彼  
法輪音虛空燈王如來滅後次卽於此  
值法空王如來承事供養次爲帝釋卽  
此道場值天王藏如來親近供養次爲

夜摩天王卽於此世界值大地威力山  
如來親近供養次爲兜率天王卽於此  
世界值法輪光音聲王如來親近供養  
次爲化樂大王卽於此世界值虛空智  
王如來親近供養次爲他化自在天王  
卽於此世界值無能壞幢如來親近供  
養次爲阿修羅王卽於此世界值一切  
法雷音王如來親近供養次爲梵王卽



於此世界值普現化演法音如來親近  
供養佛子此寶光世界善光劫中有一  
萬佛出興于世我皆親近承事供養次  
復有劫名曰日光有六十億佛出興于  
世最初如來名妙相山我時爲王名曰  
大慧於彼佛所承事供養次有佛出名  
圓滿肩我爲居士親近供養次有佛出  
名離垢童子我爲大臣親近供養次有

迦陵集佛出名勇猛持我爲阿修羅王親近供

卷

養次有佛出名須彌相我爲樹神親近  
供養次有佛出名離垢辭我爲商主親  
近供養次有佛出名師子遊步我爲城  
神親近供養次有佛出名寶髻我爲毘  
沙門天王親近供養次有佛出名最上  
法稱我爲乾闥婆王親近供養次有佛  
出名光明冠我爲鳩槃荼王親近供養



迦陵集  
於彼劫中如是次第有六十億如來出  
興于世我常於此受種種身一一佛所  
親近供養教化成就無量衆生頌曰  
以我一身贖百千身更藉等慈拔地獄輪衆罪  
實銷三界平沉日光園中燈王示現犴狴驚魂  
天冠月面是心果真諸法皆幻

卷之二終

迦陵集目次

卷之三

頌

華嚴經入法界品善知識頌

嵐毘尼林妙德圓滿園神

迦毘羅城釋種瞿波女

佛母摩耶夫人

三十三天正念王女天主光



迦毘羅城童子師徧友

摩竭提國婆坦那城賢勝優婆夷

沃田城堅固解脫長者

妙月長者

出生城無勝軍長者

法聚落最寂靜婆羅門

妙意華門城德生童子有德童女

目次畢

迦陵集卷之三

吳郡姚希孟孟長甫著

頌

嵐毘尼林妙德圓滿園神

善財童子漸次遊行至嵐毘尼林周徧

尋覓彼妙德神見在一切寶樹莊嚴樓

閣中坐寶蓮華師子之座二十億那由

他諸天恭敬圍繞為說菩薩受生海經



令其皆得生如來家增長菩薩大功德  
海善財見已頂禮其足彼神答言善男  
子菩薩有十種受生藏一者願常供養  
一切諸佛受生藏二者發菩提心受生  
藏三者觀諸法門勤修行受生藏四者  
以深淨心普照三世受生藏五者平等  
光明受生藏六者生如來家受生藏七  
者佛力光明受生藏八者觀普智門受

生藏九者普現莊嚴受生藏十者入如  
來地受生藏菩薩具此十法生如來家  
爲一切世間清淨光明善男子我從無  
量劫來得是自在受生解脫門善男子  
我先發願願一切菩薩示受生時皆得  
親近願入毘盧遮那如來無量受生海  
以昔願力生此世界閻浮提中嵐毘尼  
園專念菩薩何時下生經於百年世尊



果從兜率陀天而來生此時此林中現  
十種相何等爲十一者此園中地忽自  
平坦坑坎埤阜悉皆不現二者金剛爲  
地衆寶莊嚴無有瓦礫荆棘株杙三者  
寶多羅樹周而行列其根深植至於水  
際四者生衆香牙現衆香藏寶香爲樹  
扶疎陰暎其諸香氣皆踰天香五者諸  
妙華鬘寶莊嚴具行列分布處處克滿

六者園中所有的一切諸樹皆自然開摩  
尼寶華七者諸池沼中皆自生華從地  
涌出周布水上八者時此林中娑婆世  
界欲色所住天龍夜叉乾闥婆阿修羅  
迦樓羅緊那羅摩睺羅伽一切諸王莫  
不來集合掌而住九者此世界中所有  
天女乃至摩睺羅伽女皆生歡喜各各  
捧持諸供養具向畢落叉樹前恭敬而



立十者十方一切諸佛齋中皆放光明  
名菩薩受生自在燈普照此林一一光  
中悉現諸佛受生誕生所有神變及一  
切菩薩受生功德又出諸佛種種言音  
是爲林中十種瑞相此相現時諸天王  
等卽知當有菩薩下生我見此瑞歡喜  
無量善男子摩耶夫人出迦毘羅城入  
此林時復現十種光明瑞相令諸衆生

得法光明何等爲十所謂一切寶華藏  
光寶香藏光寶蓮華開演出真實妙音  
聲光十方菩薩初發心光一切菩薩得  
入諸地現神變光一切菩薩修波羅蜜  
圓滿智光一切菩薩大願智光一切菩  
薩教化衆生方便智光一切菩薩證於  
法界真實智光一切菩薩得佛自在受  
生出家成正覺光此十光明普照無量



諸衆生心善男子摩耶夫人於畢落叉  
樹下坐時復現菩薩將欲誕生十種神  
變何等爲十善男子菩薩將欲誕生之  
時欲界諸天天子天女及以色界一切  
諸天諸龍夜叉乾闥婆阿修羅迦樓羅  
緊那羅摩睺羅伽并其眷屬爲供養故  
悉皆雲集摩耶夫人威德殊勝身諸毛  
孔咸放光明普照三千大千世界無所

障礙一切光明悉皆不現除滅一切衆  
生煩惱及惡道苦是爲菩薩將欲誕生  
第一神變又善男子當是之時摩耶夫  
人腹中悉現三千世界一切形像其百  
億閻浮提內各有都邑各有園林名號  
不同皆有摩耶夫人於中止住天衆圍  
繞悉爲顯現菩薩將生不可思議神變  
之相是爲菩薩將欲誕生第二神變又



善男子摩耶夫人一切毛孔皆現如來  
往昔修行菩薩道時恭敬供養一切諸  
佛及聞諸佛說法音聲是爲菩薩將欲  
誕生第三神變又善男子摩耶夫人身  
諸毛孔一一皆現如來徃修菩薩行時  
所住世界城邑聚落山林河海衆生劫  
數值佛出世入淨國土隨所受生壽命  
長短依善知識修行善法於一切刹在

在生處摩耶夫人常爲其母如是一切  
於毛孔中靡不皆現是爲菩薩將欲誕  
生第四神變又善男子摩耶夫人一一  
毛孔顯現如來徃昔修行菩薩行時隨  
所生處色相形貌衣服飲食苦樂等事  
一一普現分明辯了是爲菩薩將欲誕  
生第五神變又善男子摩耶夫人身諸  
毛孔一一皆現世尊徃昔修施行時捨



所難捨頭目耳鼻脣舌牙齒身體手足  
血肉筋骨男女妻妾城邑宮殿衣服瓔  
珞金銀寶貨如是一切內外諸物亦見  
受者形貌音聲及其處所是爲菩薩將  
欲誕生第六神變又善男子摩耶夫人  
入此園時其林普現過去所有一切諸  
佛入母胎時國土國林衣服華鬘塗香  
末香幡繒幢蓋一切衆寶莊嚴之事妓

樂歌詠上妙音聲令諸衆生普得見聞  
是爲菩薩將誕生時第七神變又善男  
子摩耶夫人入此園時從其身出菩薩  
所住摩尼寶王宮殿樓閣超過一切天  
龍夜叉乾闥婆阿修羅迦樓羅緊那羅  
摩睺羅伽及諸人王之所住者寶網覆  
上妙香普熏衆寶莊嚴內外清淨各各  
差別不相雜亂周而徧滿嵐毘尼園是



邊陲集  
爲菩薩將誕生時第八神變又善男子  
摩耶夫人入此園時從其身出十不可  
說百千億那由他佛刹微塵數菩薩其  
諸菩薩身形容貌相好光明進止威儀  
神通眷屬皆與毘盧遮那菩薩等無有  
異悉共同時讚歎如來是爲菩薩將誕  
生時第九神變又善男子摩耶夫人將  
欲誕生菩薩之時忽於其前從金剛際

出大蓮華名爲一切寶莊嚴藏金剛爲  
莖衆寶爲鬚如意寶王以爲其臺有十  
佛刹微塵數葉一切皆以摩尼所成寶  
網寶蓋以覆其上一切天王所共執持  
一切龍王降注香雨一切夜叉王恭敬  
圍繞散諸天華一切乾闥婆王出微妙  
音歌讚菩薩往昔供養諸佛功德一切  
阿修羅王捨憍慢心稽首敬禮一切迦



樓羅王垂寶繒幡徧滿虛空一切緊那  
羅王歡喜瞻仰歌詠讚歎菩薩功德一  
切摩睺羅伽王皆生歡喜歌詠讚歎普  
雨一切寶莊嚴雲是爲菩薩將誕生時  
第十神變善男子嵐毘尼園示現如是  
十種相已然後菩薩其身誕生如虛空  
中現淨日輪如高山頂出於慶雲如密  
雲中而耀電光如夜暗中而然大炬爾

時菩薩從母脇生身相光明亦復如是  
善男子菩薩爾時雖現初生悉已了達  
一切諸法如夢如幻如影如像無來無  
去不生不滅善男子當我見佛於此四  
天下閻浮提內嵐毘尼園示現初生種  
種神變時亦見如來於三千大千世界  
百億四天下閻浮提內嵐毘尼園中示  
現初生種種神變亦見三千大千世界



一一塵中無量佛刹亦見百佛世界千  
佛世界乃至十方一切世界一一塵中  
無量佛刹如是一切諸佛刹中皆有如  
來示現受生種種神變如是念念常無  
間斷時善財童子白彼神言大天得此  
解脫其已久如答言善男子乃徃古世  
過億佛刹微塵數劫復過是數時有世  
界名爲普寶劫名悅樂八十那由他佛

於中出現其第一佛名自在功德幢十  
號具足彼世界中有四天下名妙光莊  
嚴其四天下閻浮提中有一王都名須  
彌莊嚴幢其中有王名寶燄眼其王夫  
人名曰喜光善男子如此世界摩耶夫  
人爲毘盧遮那如來之母彼世界中喜  
光夫人爲初佛母亦復如是善男子其  
喜光夫人將欲誕生菩薩之時與二十



邊陲集  
億那由他姝女詣金華園園中有樓名  
妙寶峯其邊有樹名一切施喜光夫人  
攀彼樹枝而生菩薩諸天王衆各持香  
水共以洗沐時有乳母名爲淨光侍立  
其側旣洗沐已諸天王衆授與乳母乳  
母敬受生大歡喜卽得菩薩普眼三昧  
得此三昧已普見十方無量諸佛復得  
菩薩於一切處示現受生自在解脫如

初受胎識速疾無碍得此解脫故見一  
切佛乘本願力受生自在亦復如是善  
男子於汝意云何彼乳母者豈異人乎  
我身是也我從是來念念常見毘盧遮  
那佛示現菩薩受生海調伏衆生自在  
神力如見毘盧遮那佛乘本願力念念  
於此三千大千乃至十方一切世界微  
塵之內皆現菩薩受生神變見一切佛



悉亦如是我皆恭敬承事供養聽所說  
法如說修行頌曰

如來降生在嵐毘園落叉樹下身光遶旋宮殿  
樹林母腹便便是歌羅邏卽光明藏有生非真  
無生亦妄旁觀者清幻師伎倆

迦毘羅城釋種瞿波女

時瞿波女告善財言善男子我已成就  
觀察一切菩薩三昧海解脫門善財言

大聖此解脫門境界云何荅言善男子  
我入此解脫知此娑婆世界佛刹微塵  
數劫所有衆生於諸趣中死此生彼作  
善作惡受諸果報有求出離不求出離  
正定邪定及以不定有煩惱善根無煩  
惱善根具足善根不具足善根不善根  
所攝善根善根所攝不善根如是所集  
善不善法我皆知見又彼劫中所有諸



佛名號次第我悉了知彼佛世尊從初  
發心及以方便求一切智出生一切諸  
大願海供養諸佛修菩薩行成正覺  
轉妙法輪現大神通化度衆生我悉了  
知爾時善財童子白瞿波言聖者得此  
解脫其已久如荅言善男子我於徃世  
過佛刹微塵數劫有劫名勝行世界名  
無畏彼世界中有四天下名爲安隱其

四天下閻浮提中有一王城名高勝樹  
於八十王城中最爲上首彼時有王名  
曰財主其王具有六萬姝女五百大臣  
五百王子其諸王子皆悉勇健能伏怨  
敵其王太子名威德主端正殊特人所  
樂見爾時太子受父王教與十千姝女  
詣香牙園遊觀戲樂太子是時乘妙寶  
車其車具有種種嚴飾置大摩尼師子



之座而坐其上五百姝女各執寶繩牽  
馭而行進止有度不遲不速寶樹行列  
寶網彌覆種種樓閣延袤其間其樓閣  
中或有積聚種種珍寶或有陳列諸莊  
巖具或有供設種種飲食或有懸布種  
種衣服或有備擬諸資生物或復安置  
端正女人及以無量僮僕侍從隨有所  
須悉皆施與時有母人名爲善現將一

童女名具足妙德顏容端正色相嚴潔  
洪纖得所修短合度目髮紺青聲如梵  
音善達工巧精通辯論恭勤匪懈慈愍  
不害具足慙愧柔和質直離癡寡欲無  
諸諂誑乘妙寶車姝女圍繞及與其母  
從王城出先太子行見其太子言辭諷  
詠心生愛染而白母言我心願得敬事  
此人若不遂情當自殞滅母告女言莫



生此念何以故此甚難得此人具足輪  
王諸相後當嗣位作轉輪王有寶女出  
騰空自在我等卑賤非其匹偶此處難  
得勿生是念彼香牙園側有一道場名  
法雲光明時有如來名勝日身十號具  
足於中出現已經旬日時彼童女暫時  
假寐夢見彼佛從夢覺已空中有天而  
告之言勝日身如來於法雲光明道場

成等正覺已經七日諸菩薩衆前後圍  
繞時妙德童女夢覩如來故聞佛功德  
故其心安隱無有怖畏於太子前而說

頌言

我身最端正 名聞徧十方 智慧無等倫  
善達諸工巧 無量百千衆 見我皆貪染  
我心不於彼 而生少愛欲 無嗔亦無恨  
無嫌亦無喜 但發廣大心 利益諸衆生



我今見太子

具諸功德相

其心大欣慶

諸根咸悅樂

色如光明寶

髮美而右旋

額廣眉纖曲

我心願事汝

我觀太子身

譬若真金像

亦如大寶山

相好有光明

目廣紺青色

月面師子頰

喜顏美妙音

願悉哀納我

舌相廣長妙

猶如赤銅色

梵音緊那聲

聞者皆歡喜

口方不褰縮

齒白悉齊密

發言現笑時

見者心歡喜

離垢清淨身

具相三十二

必當於此界

而作轉輪王

爾時太子告彼女言汝是誰女為誰守

護若先屬人我則不應起愛染心爾時

太子以頌問言

汝身極清淨 功德相具足 我今問於汝

汝於誰所住 誰為汝父母 汝今繫屬誰

若已屬於人 彼人攝受汝 汝不盜他物



汝不有害心 汝不作邪婬 汝依何語住  
不說他人惡 不壞他所親 不侵他境界  
不於他恚怒 不生邪險見 不作相違業  
不以諂曲力 方便誑世間 尊重父母不  
敬善知識不 見諸貧窮人 能生攝心不  
若有善知識 誨示於汝法 能生堅固心  
究竟尊重不 愛樂於佛不 了知菩薩不  
衆生功德海 汝能恭敬不 汝能知法不

能淨衆生不 爲住於法中 爲住於非法  
見諸孤獨者 能起慈心不 見惡道衆生  
能生大悲不 見他得榮樂 能生歡喜不  
他來逼迫汝 汝無瞋惱不 汝發菩提意  
開悟衆生不 無邊劫修行 能無疲倦不  
爾時女母爲其太子而說頌言

太子汝應聽 我今說此女 初生及成長  
一切諸因緣 太子始生日 卽從蓮華生



其目淨修廣

肢節悉具足

我曾於春月

遊觀娑羅園

普見諸藥草

種種皆榮茂

奇樹發妙華

望之如慶雲

好鳥相和鳴

林間共歡樂

同遊八百女

端正奪人心

被服皆嚴麗

歌詠悉殊美

彼園有浴池

名曰蓮華幢

我於池岸坐

姝女共圍繞

於彼蓮池內

忽踐千葉華

寶葉琉璃莖

閻浮金爲臺

爾時夜分盡

日光初出現

其蓮正開剖

放大清淨光

其光極熾盛

譬如日初出

普照閻浮提

衆歎未曾有

時見此玉女

從彼蓮華生

其身甚清淨

肢分皆圓滿

此是人間寶

從於淨業生

宿因無失壞

今受此果報

紺髮青蓮眼

梵聲金色光

華鬘衆寶髻

清淨無諸垢

肢節悉具足

其身無缺減

譬如真金像

安處寶華中

毛孔旃檀香

普熏於一切



口出青蓮香

常演梵音聲

此女所住處

常有天音樂

不應下劣人

而當如是偶

世間無有人

堪與此為夫

唯汝相嚴身

願垂見納受

非長亦非短

非麓亦非細

種種悉端嚴

願垂見納受

文字算數法

工巧諸技藝

一切皆通達

願垂見納受

善了諸兵法

巧斷眾諍訟

能調難可調

願垂見納受

其身甚清淨

見者無厭足

功德自莊嚴

汝應垂納受

眾生所有患

善達彼緣起

應病而與藥

一切能消滅

聞浮語言法

差別無量種

乃至技樂音

靡不皆通達

婦人之所能

此女一切知

而無女人過

願垂速納受

不嫉亦不慳

無貪亦無恚

質直性柔軟

離諸麤穢惡

恭敬於尊者

奉事無違逆

樂修諸善行

此能隨順汝

若見於老病

貧窮在苦難



無救無所依 常生大慈愍 常觀第一義  
不求自利樂 但願益衆生 以此莊嚴心  
行住與坐臥 一切無放逸 言說及默然  
見者咸欣樂 雖於一切處 皆無染著心  
見有功德人 樂觀無厭足 尊重善知識  
樂見離惡人 其心不躁動 先思後作業  
福智所莊嚴 一切無怨恨 女人中最上  
宜應事太子

爾時太子入香牙園已告其妙德及善  
現言善女我趣求阿耨多羅三藐三菩  
提當於盡未來際無量劫集一切智助  
道之法修無邊菩薩行當捨一切物盡  
未來際行檀波羅蜜令一切衆生普得  
滿足衣服飲食妻妾男女頭目手足如  
是一切內外所有悉當捨施無所吝惜  
當於爾時汝或於我而作障難施財物



時汝心恻惜施男女時汝心痛惱割肢  
體時汝心憂悶捨汝出家汝心悔恨爾  
時太子卽爲妙德而說頌言

我當以方便 廣度諸羣生 令滅愚癡暗  
住於佛智道 當供一切佛 當淨一切地  
起大慈悲心 悉捨內外物 汝見來乞者  
或生慳吝心 我心常樂施 汝勿違於我  
若見我施頭 慎勿生憂惱 我今先語汝

今汝心堅固 乃至截手足 汝勿嫌乞者  
汝今聞我語 應可諦思惟 男女所愛物  
一切我皆捨 汝能順我心 我當成汝意

爾時童女白太子言敬奉來教卽說頌

言

無量劫海中 地獄火焚身 若能眷納我  
其心受此苦 無量受生處 碎身如微塵  
若能眷納我 其心受此苦 無量劫頂戴



廣大金剛山 若能眷納我 甘心受此苦  
無量生死海 以我身肉施 汝得法王處  
願令我亦然 若能眷納我 與我爲主者  
生生行施處 願常以我施 爲愍衆生苦  
而發菩提心 旣已攝衆生 亦當攝受我  
我不求豪富 不貪五欲樂 但爲共行法  
願以仁爲主 緝青修廣眼 慈愍觀世間  
不起染著心 必成菩薩道

爾時太子聞勝日身如來名生大歡喜  
願見彼佛以五百摩尼寶散其女上冠  
以妙藏光明寶冠被以火燄摩尼寶衣  
其女爾時心不動搖亦無喜相但合掌  
恭敬瞻仰太子爾時太子與妙德女及  
十千姪女并其眷屬出香牙園請法雲  
光明道場至已下車步進詣如來所見  
佛身相端嚴寂靜諸根調順內外清淨



如大龍池無諸垢濁皆生淨信踊躍歡  
喜頂禮佛足繞無數帀于時太子及妙  
德女各持五百妙寶蓮華供散彼佛太  
子爲佛造五百精舍一一皆以香木所  
成衆寶莊嚴五百摩尼以爲間錯時佛  
爲說普眼燈門修多羅聞是經已於一  
切法中得三昧海時妙德女得三昧名  
難勝海藏於阿耨多羅三藐三菩提永  
不起

不退轉時彼太子與妙德女并其眷屬  
頂禮佛足繞無數帀辭退還宮詣父王  
所拜跪畢已奉白王言大王當知勝日  
身如來出興於世於此國內法雲光明  
菩提場中成等正覺于今未久爾時大  
王語太子言是誰爲汝說如是事天耶  
人耶太子白言是此具足妙德女說時  
王聞已歡喜無量集諸小王羣臣眷屬



及以刹利婆羅門等一切大衆便捨王位授與太子時財主王與十千人皆於佛所同時出家未久之間悉得成就一切法義離闇燈陀羅尼亦得如上諸三昧門爾時太子於十五日在正殿上姝女圍繞七寶自至爲轉輪王王闍浮提正法治世人民快樂王有千子端正勇健能伏怨敵其闍浮提中有八十王城

一一城中有五百僧坊一一僧坊立佛支提皆悉高廣以衆妙寶而爲校飾一一王城皆請如來以不思議衆妙供具而爲供養佛入城時現大神力令無量衆生種諸善根無量衆生心得清淨佛子於汝意云何彼時太子得輪王位供養佛者豈異人乎今釋迦牟尼佛是也財主王者寶華佛是彼時女母善現者



今我母善目是其王眷屬今如來所衆  
會是也其妙德女與威德主轉輪聖王  
以四事供養勝日身如來者我身是也  
彼佛滅後其世界中六十億百千那由  
他佛出興于世我皆與王承事供養其  
最後佛名廣大解於彼佛所得淨智眼  
爾時彼佛入城教化我爲王妃與王禮  
覲以衆妙物而爲供養於其佛所聞說

出生一切如來燈法門卽時獲得觀察  
一切菩薩三昧海境界解脫我於佛刹  
微塵數劫念念如是觀於菩薩一一毛  
孔已所至處而不重至已所見處而不  
重見求其邊際竟不可得乃至見彼悉  
達太子住於宮中姝女圍繞我以解脫  
力觀於菩薩一一毛孔悉見三世法界

中事頌曰



太子宏誓童女仰成髓腦匪慳况於家珍以是  
因緣睹勝日身凡諸眷屬展轉相度爾唱爾隨  
是子是父靈鷲峯高于凰飛過

佛母摩耶夫人

爾時善財童子一心欲詣摩耶夫人所  
爾時有身衆神名蓮華法德及妙華光  
明無量諸神前後圍繞從道場出住虛  
空中於善財前以妙音聲種種稱歎摩

耶夫人從其耳璫放無量色相光明網  
普照無邊諸佛世界令善財見十方國  
土一切諸佛其光明網右繞世間經一  
匝已然後還來入善財頂乃至徧入身  
諸毛孔善財卽得淨光明眼時有守護  
菩薩法堂羅刹鬼王名曰善眼與其眷  
屬萬羅刹俱於虛空中以衆妙華散善  
財上作如是言善男子汝應普禮十方



求善知識正念思惟一切境界求善知  
識勇猛自在徧遊十方求善知識觀身  
觀心如夢如影求善知識爾時善財受  
行其教卽時覩見大寶蓮華從地踊出  
金剛爲莖妙寶爲藏摩尼爲葉光明寶  
王以爲其臺衆寶色香以爲其鬚無數  
寶網彌覆其上於其臺上有一樓觀名  
普納十方法界藏須彌寶王出天宮殿

天諸姪女種種妙音歌讚如來不可思  
議微妙功德爾時善財見如是座復有  
無量衆座圍繞摩耶夫人在彼座上於  
一切衆生前現淨色身又見摩耶夫人  
隨諸衆生心之所樂現超過一切世間  
色身饒益衆生集一切智助道之法爾  
時善財童子見摩耶夫人現如是等閻  
浮提微塵數諸方便門旣見是已如摩



耶夫人所現身數善財亦現作爾許身  
於一切處摩耶之前恭敬禮拜卽時證  
得無量無數諸三昧門分別觀察修行  
證入從三昧起右繞摩耶并其眷屬合  
掌而立白言大聖文殊師利菩薩教我  
發阿耨多羅三藐三菩提心求善知識  
親近供養我於一一善知識所皆往承  
事無空過者漸來至此願爲我說菩薩

云何學菩薩行而得成就答言佛子我  
已成就菩薩大願智幻解脫門是故常  
爲諸菩薩母佛子如我於此閻浮提中  
迦毘羅城淨飯王家右脇而生悉達太  
子現不思議自在神變如是乃至盡此  
世界海所有一切毘盧遮那如來皆入  
我身示現誕生自在神變又善男子我  
於淨飯王宮菩薩將欲下生之時見菩



薩身一一毛孔咸放光明名一切如來  
受生功德輪一一毛孔皆現不可說不  
可說佛刹微塵數菩薩受生莊嚴彼諸  
光明皆悉普照一切世界照世界已來  
入我頂乃至一切諸毛孔中又彼光中  
普現一切菩薩名號受生神變宮殿眷  
屬五欲自娛又見出家往詣道場成等  
正覺坐師子座菩薩圍繞諸王供養爲

諸大衆轉正法輪又見如來往昔修行  
菩薩道時於諸佛所恭敬供養發菩提  
心淨佛國土念念示現無量化身克徧  
十方一切世界乃至最後入般涅槃如  
是等事靡不皆見又善男子彼妙光明  
入我身時我身形量雖不踰本然其實  
已超諸世間所以者何我身爾時量同  
虛空悉能容受十方菩薩受生莊嚴諸



宮殿故爾時菩薩從兜率天將降神時  
有十佛刹微塵數諸菩薩前後圍繞又  
有八萬諸龍王等一切世主乘其宮殿  
俱來供養菩薩爾時以神通力與諸菩  
薩普現一切兜率天宮一一宮中悉現  
十方一切世界閻浮提內受生影像方  
便教化無量衆生又以神力放大光明  
普照世間破諸黑闇滅諸苦惱令諸衆

生皆識宿世所有業行永出惡道又爲  
救護一切衆生普現其前作諸神變現  
如是等諸奇特事與眷屬俱來入我身  
彼諸菩薩於我腹中遊行自在或以三  
千大千世界而爲一步或以不可說不  
可說佛刹微塵數世界而爲一步又念  
念中十方不可說不可說一切世界諸  
如來所菩薩衆會及四天王天三十三



天乃至色界諸梵天王欲見菩薩處胎  
神變恭敬供養聽受正法皆入我身雖  
我腹中悉能容受如是衆會而身不廣  
大亦不迫窄其諸菩薩各見自處衆會  
道場清淨嚴飾善男子如此四天下閻  
浮提中菩薩受生我爲其母三千大千  
世界百億四天下閻浮提中悉亦如是  
然我此身本來無二非一處住非多處

住何以故以修菩薩大願智幻莊嚴解  
脫門故善男子如今世尊我爲其母往  
昔所有無量諸佛悉亦如是而爲其母  
善男子我昔曾作蓮華池神時有菩薩  
於蓮華藏忽然化生我卽捧持瞻侍養  
育一切世間皆共號我爲菩薩母又我  
昔爲菩提場神時有菩薩於我懷中忽  
然化生世亦號我爲菩薩母善男子有



無量最後身菩薩於此世界種種方便  
示現受生我皆爲母善男子如此世界  
賢劫之中過去世時拘留孫佛拘那含  
牟尼佛迦葉佛及今世尊釋迦牟尼佛  
現受生時我爲其母未來世中彌勒菩  
薩從兜率天將降神時放大光明普照  
法界示現一切諸菩薩衆受生神變乃  
於人間生大族家調伏衆生我於彼時

亦爲其母如是次第乃至樓至如來在  
賢劫中於此三千大千世界當成佛者  
悉爲其母如於此三千大千世界如是  
於此世界海十方無量諸世界一切劫  
中諸有修行普賢行願爲化一切諸衆  
生者我自見身悉爲其母爾時善財童  
子白摩耶夫人言大聖得此解脫經今  
幾時答言善男子乃往古世過不可思



議非最後身菩薩神通道眼所知劫數  
爾時有劫名淨光世界名須彌德有一  
王城名自在幢有轉輪王名大威德彼  
王城北有一道場名滿月光明其道場  
神名曰慈德時有菩薩名離垢幢坐於  
道場將成正覺有一惡魔名金色光與  
其眷屬無量衆俱至菩薩所彼大威德  
轉輪聖王已得菩薩神通自在化作兵

衆其數倍多圍繞道場諸魔惶怖悉自  
奔散故彼菩薩得成阿耨多羅三藐三  
菩提時道場神見是事已歡喜無量便  
於彼王而生子想頂禮佛足作是願言  
此轉輪王在在生處乃至成佛願我常  
得與其爲母作是願已於此道場復曾  
供養十那由他佛善男子於汝意云何  
彼道場神豈異人乎我身是也轉輪王



者今世尊毘盧遮那是我從於彼發願  
已來此佛世尊於十方刹一切諸趣處  
處受生種諸善根修菩薩行教化成就  
一切衆生乃至示現住最後身念念普  
於一切世界示現菩薩受生神變常爲  
我子我常爲母善男子過去現在十方  
世界無量諸佛將成佛時皆於齋中放  
大光明來照我身及我所住宮殿屋宅

彼最後生我悉爲母頌曰

佛母心量等太虛空所以如來托處其中無生  
而生生無生同千佛一佛千母一母是涅槃門  
卽薄迦譜耳璫放光耳孫覓祖

三十三天正念王女天主光

天女荅言善男子我得菩薩解脫名無  
礙念清淨莊嚴善男子我以此解脫力  
憶念過去有最勝劫名青蓮華我於彼



劫中供養恒河沙數諸佛如來彼諸如  
來從初出家我皆瞻奉守護供養造僧  
伽藍營辦什物又彼諸佛從爲菩薩住  
母胎時誕生之時行七步時大師子吼  
時住童子位在宮中時向菩提樹成正  
覺時轉正法輪現佛神變教化調伏衆  
生之時如是一切諸所作事從初發心  
乃至法盡我皆明憶無有遺餘常現在

前念持不忘又憶過去劫名善地我於  
彼供養十恒河沙數諸佛如來又過去  
劫名爲妙德我於彼供養一佛世界微  
塵數諸佛如來又劫名無所得我於彼  
供養八十四億百千那由他諸佛如來  
又劫名善光我於彼供養閻浮提微塵  
數諸佛如來又劫名無量光我於彼供  
養二十恒河沙數諸佛如來又劫名最



勝德我於彼供養一恒河沙數諸佛如  
來又劫名善悲我於彼供養八十恒河  
沙數諸佛如來又劫名勝遊我於彼供  
養六十恒河沙數諸佛如來又劫名妙  
月我於彼供養七十恒河沙數諸佛如  
來善男子如是憶念恒河沙劫我常不  
捨諸佛如來應正等覺從彼一切諸如  
來所聞此無礙念清淨莊嚴菩薩解脫  
受持修行恒不忘失如是先劫所有如  
來從初菩薩乃至法盡一切所作我以  
淨嚴解脫之力皆隨憶念明了現前持  
而順行曾無懈廢頌曰

衆生善憶亦復善忘識浪情瀾奔騰沸揚正念  
勝因疇爲忖量維此王女歷刹憶持如大圓鏡  
懸向寶池碧水漪漣荇藻絲絲

迦毘羅城童子師徧友



徧友荅言善男子此有童子名善知衆  
藝學菩薩字智汝可問之當爲汝說爾  
時善財卽至其所頭頂禮敬於一面立  
白言我聞聖者善能誘誨願爲我說時  
彼童子告善財言善男子我得菩薩解  
脫名善知衆藝我恒唱持此之字母唱  
阿字時入般若波羅蜜門名以菩薩威  
力入無差別境界唱多字時入般若波

羅蜜門名無邊差別門唱波字時入般  
若波羅蜜門名普照法界唱者字時入  
般若波羅蜜門名普輪斷差別唱那字  
時入般若波羅蜜門名得無依無上唱  
邏字時入般若波羅蜜門名離依止無  
垢唱施字時入般若波羅蜜門名不退  
轉方便唱婆字時入般若波羅蜜門名  
金剛場唱荼字時入般若波羅蜜門名



曰普輪唱沙字時入般若波羅蜜門名  
爲海藏唱縛字時入般若波羅蜜門名  
普生安住唱哆字時入般若波羅蜜門  
名圓滿光唱也字時入般若波羅蜜門  
名差別積聚唱瑟吒字時入般若波羅  
蜜門名普光明息煩惱唱迦字時入般  
若波羅蜜門名無差別雲唱娑字時入  
般若波羅蜜門名降霆大雨唱麼字時

入般若波羅蜜門名大流湍激衆峯齊  
峙唱伽字時入般若波羅蜜門名普安  
立唱他字時入般若波羅蜜門名真如  
平等藏唱社字時入般若波羅蜜門名  
入世間海清淨唱鎖字時入般若波羅  
蜜門名念一切佛莊嚴唱拖字時入般  
若波羅蜜門名觀察簡擇一切法聚唱  
奢字時入般若波羅蜜門名隨順一切



佛教輪光明唱佉字時入般若波羅蜜  
門名修因地智慧藏唱义字時入般若  
波羅蜜門名息諸業海藏唱娑多字時  
入般若波羅蜜門名蠲諸惑障開淨光  
明唱壤字時入般若波羅蜜門名作世  
間智慧門唱曷攤多字時入般若波羅  
蜜門名生死境界智慧輪唱婆字時入  
般若波羅蜜門名一切智宮殿圓滿莊

嚴唱車字時入般若波羅蜜門名修行  
方便藏各別圓滿唱娑麼字時入般若  
波羅蜜門名隨十方現見諸佛唱訶婆  
字時入般若波羅蜜門名觀察一切無  
緣衆生方便攝受令出生無礙力唱蹉  
字時入般若波羅蜜門名修行趣入一  
切功德海唱伽字時入般若波羅蜜門  
名持一切法雲堅固海藏唱吒字時入



般若波羅蜜門名隨願普見十方諸佛  
唱拏字時入般若波羅蜜門名觀察字  
輪有無盡諸億字唱娑頗字時入般若  
波羅蜜門名化衆生究竟處唱娑迦字  
時入般若波羅蜜門名廣大藏無礙辯  
光明輪徧照唱也婆字時入般若波羅  
蜜門名宣說一切佛法境界唱室者字  
時入般若波羅蜜門名於一切衆生界

法雷徧吼唱佉字時入般若波羅蜜門  
名以無我法開曉衆生唱佉字時入般  
若波羅蜜門名一切法輪差別藏善男  
子我唱如是字母時此四十二般若波  
羅蜜門爲首入無量無數般若波羅蜜  
門頌曰

此方教體清淨音聞唇舌齒齶和合所成融六  
爲一圓入耳根一唱嘆頃響聞聞寂義海文江



湧洞而出洞庭釣天簣桴可擊聞安養感文王  
摩竭提國婆坦那城賢勝優婆夷  
賢勝答言善男子我得菩薩解脫名無  
依處道場既自開解復爲人說又得無  
盡三昧非彼三昧法有盡無盡以能出  
生一切智性眼無盡故又能出生一切  
智性耳無盡故又能出生一切智性鼻  
無盡故又能出生一切智性舌無盡故

又能出生一切智性身無盡故又能出  
生一切智性意無盡故又能出生一切  
智性功德波濤無盡故又能出生一切  
智性智慧光明無盡故又能出生一切  
智性速疾神通無盡故頌曰  
盡無盡對均非了義真無盡者盡亦如是卽斷  
卽常中邊遊戲是何三昧妙絕無依依根根斷  
依塵塵迷萬里無雲明月孤飛



沃田城堅固解脫長者

長者答言善男子我得菩薩解脫名無  
著念清淨莊嚴我自得是解脫已來於  
十方佛所勤求正法無有休息頌曰

沃田長者寂寥數言行起解絕勝解迺圓朱陵  
果熟何必花繁繫堅固行爲萬法主如岱與崧  
基從崕嶺厚地堅牢不騫不圯

妙月長者

此沃田城有一長者名爲妙月其長者  
宅常有光明善財童子禮足圍繞妙月  
答言善男子我得菩薩解脫名淨智光

明頌曰

光無體性淨則生光如皎月輪作光明幢織雲  
流澌宿霾屏藏何蟾蜍窟化蜨螂丸叢垢爲區  
聚墨成墁煽以慧風濯以智湍

出生城無勝軍長者



長者答言善男子我得菩薩解脫名無  
盡相我以證此菩薩解脫見無量佛得  
無盡藏頌曰  
無相無盡相則有窮假饒高廣如須彌峯以天  
眼觀漚生海中無盡相者卽從相轉世相旣空  
實相乃現不聞毘盧一切處徧

法聚落最寂靜婆羅門

婆羅門答言善男子我得菩薩解脫名

誠願語過去現在未來菩薩以是語故  
乃至於阿耨多羅三藐三菩提無有退  
轉無已退無現退無當退善男子我以  
住於誠願語故隨意所作莫不成滿頌

曰

真語實語出生青蓮勿以如簧回通轉遷植慧  
與孽多從舌尖言本飄風攬之無迹騰沸洪河  
曠霽白日修詞立誠是佛功德



妙意華門城德生童子有德童女

時童子童女告善財言善男子我等證

得菩薩解脫名爲幻住得此解脫故見

一切世界皆幻住因緣所生故一切衆

生皆幻住業煩惱所起故一切世間皆

幻住無明有愛等展轉緣生故一切法

皆幻住我見等種種幻緣所生故一切

三世皆幻住我見等顛倒智所生故一

切衆生生滅生老病死憂悲苦惱皆幻

住虛妄分別所生故一切國土皆幻住

想倒心倒見倒無明所現故一切聲聞

辟支佛皆幻住智斷分別所成故一切

菩薩皆幻住能自調伏教化衆生諸行

願法之所成故一切菩薩衆會變化調

伏諸所施爲皆幻住願智幻所成故善

男子幻境自性不可思議時童子童女



說自解脫已以不思議諸善根力令善財身柔軟光澤而告之言善男子於此南方有國名海岸有園名大莊嚴其中有一廣大樓閣名毘盧遮那莊嚴藏彌勒菩薩摩訶薩安處其中爲欲攝受本所生處父母眷屬及諸人民令成熟故又欲令彼同受生同修行衆生於大乘中得堅固故又欲令彼一切衆生隨住

地隨善根皆成就故又欲爲汝顯示菩薩解脫門故顯示菩薩徧一切處受生自在故顯示菩薩以種種身普現一切衆生之前常教化故顯示菩薩以大悲力普攝一切世間資財而不厭故顯示菩薩具修諸行知一切行離諸相故顯示菩薩處處受生了一切生皆無相故彼善知識能潤澤汝諸善根能增長汝



菩提心能堅汝志能益汝善能長汝菩  
提根能示汝無礙法能令汝入普賢地  
能爲汝說菩薩願能爲汝說普賢行能  
爲汝說一切菩薩行願所成功德頌曰  
示童真住住卽是幻教化調伏出沒變換文殊  
善財鬚髮未艸鳥必雙翻車亦雙輪悲智互圓  
孤行不成兄日姊月泰清泰寧  
迦陵集卷之三終

迦陵集目次

卷之四

頌

華嚴經入法界品善知識頌

彌勒菩薩

普賢菩薩

佛母准提一十八臂頌

上二手作說法相



右第二手施無畏

第三手把劍

第四手把數珠

第五手把微若布羅迦果

第六手把鉞斧

第七手把鈎

第八手把跋折羅

第九手把寶鬘

左第二手把如意寶幢

第三手把蓮華

第四手把澡罐

第五手把索

第六手把輪

第七手把螺

第八手把賢瓶

第九手把般若波羅蜜經



迦陵集  
乘鰲觀世音菩薩頌

贊

大悲菩薩贊

有序

髮繡大士贊

天台無盡禪師贊

五臺山華嚴嶺法堂禪師像贊

小雲棲西厓禪師像贊

天王寺僧九蓮小像贊

畢

迦陵集卷之四

吳郡姚希孟孟長甫著

頌

彌勒菩薩

善財童子於毘盧遮那莊嚴藏大樓閣  
前五體投地暫時歛念思惟觀察一心  
願見彌勒菩薩親近供養乃見彌勒菩  
薩摩訶薩從別處來無量天龍夜叉乾



闍婆阿修羅迦樓羅緊那羅摩睺羅伽  
王釋梵護世及本生處無量眷屬婆羅  
門衆及餘無數百千衆生前後圍繞而  
共來向莊嚴藏大樓觀所善財見已歡  
喜踊躍五體投地身毛皆豎悲泣哽噎  
起立合掌恭敬瞻仰繞無量帀以文殊  
師利心念力故衆華纓絡種種妙寶不  
覺忽然自盈其手善財歡喜卽以奉散

彌勒菩薩摩訶薩上恭敬右繞彌勒菩  
薩摩訶薩已而白之言唯願大聖開樓  
閣門令我得入時彌勒菩薩前詣樓閣  
彈指出聲其門卽開命善財入善財心  
喜入已還閉見其樓閣廣博無量同於  
虛空阿僧祇寶以爲其地無量阿僧祇  
諸莊嚴具以爲莊嚴又見其中有無量  
百千諸妙樓閣一一嚴飾廣博嚴麗皆



回虛空不相障礙亦無雜亂善財童子  
於一處中見一切處一切諸處悉如是  
見普見一切普申敬禮纔始稽首以彌  
勒菩薩威神之力自見其身徧在一切  
諸樓閣中具見種種不可思議自在境  
界又復於彼莊嚴藏內諸樓閣中見一  
樓閣高廣嚴飾最上無比於中悉見三  
千世界百億四天下百億兜率陀天一

一皆有彌勒菩薩降神誕生釋梵天王  
捧持頂戴遊行七步觀察十方大師子  
吼現爲童子居處宮殿遊戲園苑爲一  
切智出家苦行示受乳糜往詣道場降  
伏諸魔成等正覺觀菩提樹梵王勸請  
轉正法輪升天宮殿而演說法劫數壽  
量衆會莊嚴所淨國土所修行願教化  
成熟衆生方便分布舍利住持教法皆



悉不同爾時善財自見其身在彼一切  
諸如來所亦見於彼一切衆會一切佛  
事憶持不忘通達無礙復聞一切諸樓  
閣內寶網鈴鐸及諸樂器皆悉演暢不  
可思議微妙法音說種種法身心歡喜  
柔軟悅澤卽得無量諸總持門諸辯才  
門諸禪諸忍諸願諸度諸通諸明及諸  
解脫諸三昧門爾時彌勒菩薩摩訶薩

卽攝神力入樓閣中彈指作聲告善財  
言善男子起法性如是此是菩薩知諸  
法智因緣聚集所現之相如是自性如  
幻如夢如影如像悉不成就爾時善財  
聞彈指聲從三昧起彌勒告言善男子  
汝住菩薩不可思議自在解脫受諸菩  
薩三昧喜樂能見菩薩神力所持助道  
所流願智所現種種上妙莊嚴宮殿見



菩薩行聞菩薩法知菩薩德了如來願  
善財白言唯然聖者是善知識加被憶  
念威神之力聖者此解脫門其名何等  
彌勒告言善男子此解脫門名入三世  
一切境界不忘念智莊嚴藏善財問言  
此莊嚴事何處去耶彌勒答言於來處  
去曰從何處來曰從菩薩智慧神力中  
來依菩薩智慧神力而住無有去處亦

無住處非集非常遠離一切善男子汝  
問於我從何處來者善男子我從生處  
摩羅提國而來於此善男子彼有聚落  
名爲房舍有長者子名瞿波羅爲化其  
人令入佛法而住於彼又爲生處一切  
人民隨所應化而爲說法亦爲父母及  
諸眷屬婆羅門等演說大乘令其趣入  
故住於彼而從彼來善財童子言聖者



何者是菩薩生處。答言。善男子。菩薩有  
十種生處。何者。爲十善男子。菩提心是  
菩薩生處。生菩薩家。故深心是菩薩生  
處。生善知識家。故諸地是菩薩生處。生  
波羅蜜家。故大願是菩薩生處。生妙行  
家。故大悲是菩薩生處。生四攝家。故如  
理觀察是菩薩生處。生般若波羅蜜家。  
故大乘是菩薩生處。生方便善巧家。故

教化衆生是菩薩生處。生佛家。故智慧  
方便是菩薩生處。生無生法忍家。故修  
行一切法是菩薩生處。生過現未來一  
切如來家。故善男子。菩薩摩訶薩。以般  
若波羅蜜爲母。方便善巧爲父。檀波羅  
蜜爲乳母。尸波羅蜜爲養母。忍波羅蜜  
爲莊嚴具。勤波羅蜜爲養育者。禪波羅  
蜜爲浣濯人。善知識爲教授師。一切菩



提分爲伴侶一切善法爲眷屬一切菩薩爲兄弟菩提心爲家如理修行爲家法諸地爲家處諸忍爲家族大願爲家教滿足諸行爲順家法勸發大乘爲紹家業法水灌頂一生所繫菩薩爲王太子成就菩提爲能淨家族善男子菩薩如是超居天地入菩薩位生如來家住佛種性能修諸行不斷三寶善能守護

菩薩種族淨菩薩種生處尊勝無諸過惡一切世間天人魔梵沙門婆羅門恭敬讚歎善男子我爲化度與我往昔同修諸行今時退失菩提心者亦爲教化父母親屬亦爲教化諸婆羅門令其離於種族憍慢得生如來種性之中而生於此閻浮提界摩羅提國拘吒聚落婆羅門家善男子我住於此大樓閣中隨



諸衆生心之所樂種種方便教化調伏  
善男子我爲隨順衆生心故我爲成熟  
兜率天中同行天故我爲示現菩薩福  
智變化莊嚴超過一切諸欲界故令其  
捨離諸欲樂故令知有爲皆無常故令  
知諸天盛必衰故爲欲示現將降生時  
大智法門與一生菩薩共談論故爲欲  
攝化諸同行故爲欲教化釋迦如來所

遣者令如蓮華悉開悟故於此命終生  
兜率天善男子我願滿足成一切智得  
菩提時汝及文殊俱得見我善男子汝  
當往詣文殊師利善知識所而問之言  
菩薩云何學菩薩行云何而入普賢行  
門云何成就云何廣大云何隨順云何  
清淨云何圓滿善男子彼當爲汝分別  
演說頌曰



異哉樓閣衆寶所裝萬瑋千奇傀儡一場曲罷  
更闌寂然空堂客從何來復從何往鶴馭鸞笙  
朱幡畫舫還向孤燈文殊抵掌云何說則之四

普賢菩薩

爾時善財童子依彌勒菩薩摩訶薩教  
漸次而行經由一百一十餘城已到普  
門國蘇摩那城住其門所思惟文殊師  
利隨順觀察周旋求覓希欲奉觀是時

文殊師利遙申右手過一百一十由旬  
按善財頂作如是言善哉善哉善男子  
若離信根心劣憂悔功行不具退失精  
勤於一善根心生住著於少功德便已  
爲足不能善巧發起行願不爲善知識  
之所攝護不爲如來之所憶念是時文  
殊師利宣說此法示教利喜令善財童  
子成就阿僧祇法門令入普賢行道場



及置善財自所住處文殊師利還攝不  
現於是善財思惟觀察普賢解脫境界  
卽聞普賢菩薩摩訶薩名字行願卽於  
此金剛藏菩提場毘盧遮那如來師子  
座前一切寶蓮華藏座上起等虛空界  
廣大心我今必見普賢菩薩增益善根  
見一切佛於諸菩薩廣大境界生決定  
解得一切智於時善財普攝諸根一心

求見普賢菩薩起大精進心無退轉卽  
以普眼觀察十方一切諸佛諸菩薩衆  
所見境界皆作得見普賢之想以智慧  
眼觀普賢道其心廣大猶如虛空大悲  
堅固猶如金剛願盡未來常得隨逐普  
賢菩薩念念隨順修普賢行成就智慧  
入如來境住普賢地時善財童子卽見  
普賢菩薩在如來前衆會之中坐寶蓮



華師子之座諸菩薩衆所共圍繞最爲  
殊特世無與等智慧境界無量無邊難  
測難思等三世佛一切菩薩無能觀察  
爾時善財童子見普賢菩薩如是自在  
神通境界身心徧喜踊躍無量重觀普  
賢一身分一一毛孔悉有三千大千  
世界風輪水輪地輪火輪大海江河及  
諸寶山須彌鐵圍村營城邑宮殿園苑

一切地獄餓鬼畜生閻羅王界天龍八  
部人與非人欲界色界無色界處日月  
星宿風雲雷電晝夜月時及以年劫諸  
佛出世菩薩衆會道場莊嚴如是等事  
悉皆明見如是十方一切佛刹一一塵  
中皆有法界諸佛衆會一一佛所普賢  
菩薩坐寶蓮華師子座上現神通力悉  
亦如是彼一一普賢身中皆現三世一



切境界一切佛刹一切衆生一切佛出  
現一切菩薩衆及聞一切衆生言音一  
切佛言音一切如來所轉法輪一切菩  
薩所成諸行一切如來遊戲神通普賢  
菩薩卽申右手摩觸其頂旣摩頂已善  
財卽得一切佛刹微塵數三昧門爾時  
普賢菩薩摩訶薩告善財言善男子汝  
見我此神通力不唯然已見大聖此不

思議大神通事唯是如來之所能知普  
賢告言善男子我於過去不可說不可  
說佛刹微塵數劫行菩薩行求一切智  
一一劫中爲欲清淨菩提心故承事不  
可說不可說佛刹微塵數佛一一劫中  
爲集一切智福德具故設不可說不可  
說佛刹微塵數廣大施會一切世間咸  
使聞知凡有所求悉令滿足一一劫中



爲求一切智法故以不可說不可說佛  
刹微塵數財物布施一一劫中爲求佛  
智故以不可說不可說佛刹微塵數城  
邑聚落國土王位妻子眷屬眼耳鼻舌  
身肉手足乃至身命而爲布施一一劫  
中爲求一劫智首故以不可說不可說  
佛刹微塵數頭而爲布施一一劫中爲  
求一切智故於不可說不可說佛刹微

塵數諸如來所恭敬尊重承事供養衣  
服臥具飲食湯藥一切所須悉皆奉施  
於其法中出家學道修行佛法護持正  
教善男子我於爾所劫海中自憶未曾  
於一念間不順佛教於一念間生瞋害  
心我我所心自他差別心遠離菩提心  
於生死中起疲厭心懶墮心障礙心迷  
惑心唯住無上不可沮壞集一切智助



道之法大菩提心善男子我莊嚴佛土  
以大悲心救護衆生教化成就供養諸  
佛事善知識爲求正法弘宣護持一切  
內外悉皆能捨乃至身命亦無所吝一  
切劫海說其因緣劫海可盡此無有盡  
善男子我法海中無有一文無有一句  
非是捨施轉輪王位而求得者非是捨  
施一切所有而求得者善男子我所求

法皆爲救護一切衆生一心思惟願諸  
衆生得聞是法願以智光普照世間願  
爲開示出世間智願令衆生悉得安樂  
願普稱讚一切諸佛所有功德我如是  
等往昔因緣於不可說不可說佛刹微  
塵數劫海說不可盡是故善男子我以  
如是助道法力諸善根力大志樂力修  
功德力如實思惟一切法力智慧眼力



佛威神力大慈悲力淨神通力善知識  
力故得此究竟三世平等清淨法身復  
得清淨無上色身超諸世間隨諸衆生  
心之所樂而爲現形入一切刹徧一切  
處於諸世界廣現神通令其見者靡不  
欣樂善男子汝且觀我如是色身我此  
色身無邊劫海之所成就無量千億那  
由他劫難見難聞善男子若有衆生未

種善根及種少善根聲聞菩薩猶尚不  
得聞我名字况見我身善男子若有衆  
生得聞我名於阿耨多羅三藐三菩提  
不復退轉若見若觸若迎若送若暫隨  
逐乃至夢中見聞我者皆亦如是時善  
財童子見自身在普賢身內十方一切  
諸世界中教化衆生又善財童子從初  
發心乃至得見普賢菩薩於其中間所



入一切諸佛刹海今於普賢一毛孔中  
一念所入諸佛刹海過前不可說不可  
說佛刹微塵數倍如一毛孔一切毛孔  
悉亦如是善財童子於普賢菩薩毛孔  
刹中行一步過不可說不可說佛刹微  
塵數世界如是而行盡未來劫猶不能  
知一毛孔中刹海次第刹海藏刹海差  
別刹海普入刹海成刹海壞刹海莊嚴

所有邊際除善財童子於普賢菩薩毛  
孔刹中或於一刹經於一劫如是而行  
乃至或有經不可說不可說佛刹微塵  
數劫如是而行亦不於此刹沒於彼刹  
現念念周徧無邊刹海教化衆生令向  
阿耨多羅三藐三菩提當是之時善財  
童子則次第得普賢菩薩諸行願海與  
普賢等與諸佛等頌曰



豈無辨才齒粲天花豈無世聰學富河沙而於  
行門萬別千差稽首願王脫膚存實萬寶告成  
以頴以栗誰云徧叅所叅者一

准提菩薩一十八臂頌

上二手作說法相

如來說法四十九年何刹那頃雷音普宣水月  
百千總一月攝窮至月窟說無所說

又

持印在手說咒在口是義不然六根互走舌端  
印出指上聲傳色在耳邊音在眼前

右第二手施無畏

慈母愛子同於掌珠勿怖勿驚我與汝俱佛愛  
衆生舒兜羅手刀山戟林抱汝而走

第三手把劔

是爲智鎧亦曰性鍔陷煩惱軍破無明殼拔地  
倚天光搖斗牛羣魔悚惶合掌薰修



第四手把數珠

過現未來茫無可尋標指見月珠卽爲心常斷  
互融空假暫立轉轡循環拳拳勿失

第五手把微若布羅迦果

果從華成華復何起意壤情田朝耘暮耔此果  
甘芳東土所稀我似嘗來禪悅療饑

第六手把鉞斧

明王受鉞攻討弗賓法王此鉞以靖根塵電掣

雷轟馘彼羣醜殺賊者誰還是賊首

第七手把鈎

斧劈劒刺又安用鈎搜根剔芽肝腸若抽猶有  
狡魔竄入藕孔鈎之使來是良善種

第八手把跋折羅

金剛碎落結爲智杵鎮我浮情令我宴處篆烟  
成縷山花欲然人在定中入四禪天

第九手把寶鬘



寶冠纓絡妙麗天人莊嚴太虛色相互陳如來  
頂上三十二寶若言髻珠吾亦不少

左第二手把如意寶幢

峩峩法幢號曰如意如寒得續如暘斯憇寶網  
流蘇空中飄飄以召羣迷比于弓招

第三手把蓮華

菡萏始葩妙絕纖塵遍香水海作光明輪卽此  
心花樂邦淨域棄淤泥中諸佛太息

第四手把澡罐

儒者有言澡身浴德佛性無垢安用拂拭姑射  
雪膚頻拭何妨皓月澄波不動道場

第五手把索

劣像狂猿非繩可縛無縛縛之不空罽索仰乞  
慈尊放入空山雲終入岫鳥自思還

第六手把輪

一輪旋轉聖字在中游環無端始始終終廿五



圓通十二圓覺識得圓機便成輪廓

第七手把螺

傾耳注聽是法螺聲聲從何來倒聞所成繚繞  
悠揚伽陀秘密我亦和之音聞雙寂

第八手把賢瓶

借此軍持貯甘露水灑向人間天花散綺請舉  
大海以擬寶瓶何少何多匪渭匪涇

第九手把般若波羅蜜經

卽密攝顯全部兩行卽顯證密隻字千章法法  
互融圓圓同鏡是准提經是般若印

溧水無想寺比丘募造乘鰲觀音像余以  
三言詩頌之中多訂訛未免葛藤復自懺  
也

聞既空迹何礙含須彌入一芥是法身常不壞

像法興名實背造大士多舛註繡凌波施螺黛

使女人人生敬愛

此破村婦認觀音爲女人之誤

歷南詢童子拜



解脫門各流派盲繪師強作解一慈眼同眇眇

此訂五十三參皆參觀音之訛繪師又以目睛無二為妙手此誤以三十二應為善知識也

龍女因何共昧兩導師不相貸此訂龍女乃正文師所渡正

法明億萬代出山相真捏怪三大士皆古佛也梵相何出諸

如此種種態若魚籃乘鰲類了義經所不載或

雜藏或史稗慙渺劣識未迨夏蟲驚蜀犬駭况

菩薩神力大嶺上雲空中籟難繫住絕粘帶號

圓通總不害勿自招妄語債有比丘至自瀨提

鈴柝號闐闐祝檀那勤施賚莫躊躕希等待辦

肯心不相詒如聚沙功無外聞思脩定慧戒仗

勝因越塵界寶鉢衣纓絡蓋補怛陀觀自在

贊

大悲菩薩贊 有序

真定府有大悲菩薩范銅為之唐自覺

禪師所造五代契丹犯境燬其半鎮人

以香泥補之周顯德中需鼓鑄又以泥



易其半宋太祖下太原駐蹕城下得像  
之本末經營相度未幾寺之菜園有赤  
光上騰三年不滅得古銅物無算又因  
暴雨有枋欄千餘章從五臺浮下一鉅  
材導之至頰龍河而止有司上聞遂崇  
官董其事菩薩像成高七十三尺金容  
烜熠覆以層樓區中所未有也宋人葛  
繁及寺僧惠演有記有序希孟於戊辰

冬奉 召還 朝登樓瞻禮作五言排  
律讚之韻如手珠之數

良哉觀大士度世廣無邊歷劫悲能普多生誓  
欲圓思脩聞性入靈應耳根傳下視貪癡孽翻  
同怙恃憐瀰空增識網墮地總情牽已布三塗  
種還從八苦煎別離愁徹骨楚毒痛號瘖神識  
分張日寃憎會合年丹書猶可洗黑業詎能湔  
沸鼎爲湯沐攢鋒作臥檀槩竿羅刹戲壘醞藥



又邁勝熱方呈幻鳩槃又吐涎此時鬼膽碎猶  
似命絲懸唧唧啼蛩鼠哀哀叫獨猿巧風吹復  
活殘夢斷猶聯杵確糜臬悍泥犁穉黠猥愁雲  
飛作絮血淚滴成川蒼昊祈無路幽司令正虔  
籲號終漠漠呼捨任漣漣難轉心如石塞聰耳  
掛瑱皆言交報感共道果因然揭暗留明戒懲  
前釀後緣十方同濟渡一實互乘權強作猙獰  
態佯爲叱咤宣等慈無間別妙用寓陶甄獨有

觀音力偏於救苦專微呻先灑掣狂叫更膚鐫  
蹈火常懷赤探湯必惠鮮戟林提襁褓劔嶺抱  
迤邐絕壁千尋組洪波萬斛船有情胥拯拔無  
難不除蠲瞑瞑悽長夜悠悠悵下泉孤窮爭寶  
所沉痼望醫痊恍惚逢慈母依稀邁祖先匡牀  
推衽席哺口授栴捲愛比珠藏髻玲同玉載鈿  
母陀頻撫慰寶目注勲倦負罪均離犴拘形共  
蛻蟬沉陰開旭日毒霧化輕烟從此登初地因



茲托九蓮不逢真葦筏安得假蹄筌更有含靈  
識繇來任倒顛鐵城雖肆青業鏡尚留愆枵腹  
飢生焰針喉食阻咽饕腸思粒粒鯨喙慕涓涓  
總是怕淫果兼之鄙恡纏豨羊充鼎俎牛馬被  
鞍韉肥脂樽前箸虺羸鞞後鞭時來互爲帝報  
盡轉相沿輪轉君臣位奇羸子母錢又如缺陷  
界常憾化工偏未見三災集徒傷六極駢癰癢  
空自愍齟齬若爲妍猥矣人中偶愚哉物不遷

衣冠猶糞土貧賤更顛連雁粟難克釜鶉衣莫  
掩肩乞兒唇自燥郵卒背常穿憔悴名場客發  
笑繡戶娟數奇仍稟慧福薄豈無賢險難雖云  
八憂危詎止千凡諸海會侶羣受火坑袂猛鍛  
終爲鐵洪鑪未化鉛喜時情縵織愁極淚珠泫  
天耳方成籟悲華已布筵空王傳海印密部入  
靈詮共挾迷津渡還從慾沼寨未將耽戀捨長  
共惱憂拴塵世同蕉鹿機心等棘鴛若能空蘊



界永不受波漩割水寧留痕吹光豈着鋌紛拏  
皆泡影執縛更癡癩違順風敲竹憂愉指拂絃  
聞猶落響後觀已透音前應念難思議神功自  
亘延上根齊慧命下劣仰悲田沙聚爲層塔月  
標見滿弦從空出相好此像冠人天煜煜金容  
晃遥遥玉曆綿覺師開鼎渙唐襖峙坤乾丈六  
峩峩倍無雙妙麗全銷鋒人渺狹承露掌拘攣  
剏起真殊特乘除更轉旋劫灰逢索虜泉府贊

街塵空壞茫無定隆汙數更遄興衰神寂寂成  
毀識玄玄藝祖乘黃屋羣雄戴紫璇不庭旗旆  
指獲凱鞬弓夸夙世疑檀越遺宮履陌阡祥光  
縈菜圃拱木溯伊瀍掘土多樽盎隨流獲梓榎  
應知河伯助更仗地神騫帝力捐羸帑民勞效  
胝胼獅臺迴日馭鴟角礙雲輶禮足難窺頂攀  
梯莫問巔龍神遥稽首魍魎共擎拳震旦昏燃  
炬閻浮舫擊舩阿王藏舍利天母奉檀梅共表



莊嚴法能生敬信顯重樓浮鎮定傑閣拱幽燕  
聖世關河抱 皇圖帶礪鍵我行趨蓋闕假  
道禮金僊快覩瑰魏像聊陳綺縠篇往因思讚  
歎隨喜避腥羶浴手揮斑管齋心拂錦箋廣長  
頻注瀉淵雅更精妍采散天花舞雷鳴法鼓闐  
儻容詞作供願我筆如椽更借文人業消歸不  
二禪

髮繡大士贊

有美雲鬢從橫屈曲月面風鬟天銖霧縠貌之  
者誰號爲針神余曰不然圓通現身

天台無盡禪師像贊

數莖髮如飄蓬薙髮髮堪掛弓月爲面星爲瞳  
十二部羅心胸彈指頃說法終智大師導羣蒙  
開三觀空假中念五輪真聖功大圓覺菩薩同  
佛法來震旦東燈旣別教難融笑兒孫分祖宗  
閱牆聲常詢詢貪簡捷苦鑽攻如飢腹畫餅充



公之出絕學通振鼉鼓搏鯨鐘遡越邦漸吳儂  
此瓣香沾無窮我作偈喚瞽聾影中人雷音轟

五臺山華嚴嶺法堂禪師像贊

昔有碧峯居秘魔崖後代兒孫靈骨再來

碧峯於定

中知其靈骨在五臺

華嚴嶺上法堂崔嵬日星為牖巒嶸

為塔雷傳鐸鈴月印香臺一切皆法擬法即乖

一切皆堂堂安在哉云何法中陡露形骸云何

堂中復呈胚胎炯炯凝眸鬚鬚貫腮結跏宴然

下垂雙鞵法耶堂耶君莫浪猜雁過長空空無

點埃荻岸蘆花秋風自開

小雲棲西厓禪師像贊

是一道人圓其顱方其袍婆其心蓋嘗隱于市

游戲于奇羸已甘為聖代之逸民矣猛然為法

而忘身自投於刀之山劒之林血戰脩羅力敵

波旬迨其放寧也遂遁迹于天目之岑又不願

作自了漢獨覺乘受誅茅丙舍之傍以續宏文



師之一燈遠近學無學者望龍樹之招提以擔  
振叅承焉而一座無縫塔又移植于端靖先生  
之墳跡其妙用鳳之矯鴻之冥而心心不斷者  
大勢至之圓通與補怛洛迦大悲行解脫門其  
斯爲西厓禪師之真

天王寺僧九蓮小像贊

古貌蒼顏龐眉素髯瘦削同九臯之鶴矯捷如  
三湘之獮作金湯者七十有二峯之丘壑受供  
養者三萬六千項之雲烟一藤一笠爲宰官居  
士之導師一詩一偈結文人墨客之良緣山中  
緇衲當以爾爲襟袖西方公案尚欲與叅三要  
提三玄勘爾本來面目是九蓮非九蓮咄

迦陵集卷之四終



歸三夜其理亦殊

以難表以難

深際亦以爾為繁


公與尚為典然三

十人其理一也

以難表以難

其理一也

以難表以難





卷之三